




C3738



訪	記	江
目	八	寧
二	卷	盒
卷	待	石




宣統二年卯月既望  
 江楚編譯書局印於



金陵石刻見於張敦頤六朝事迹王象之輿地碑補遺實刻

叢編及無名氏寶刻類編者甚夥然存於今者不及其相

傳明祖營治都城盡輦碑石爲街道之用竊意六朝碑石久

久遠磨滅殘毀理亦宜然宋元與明相去甚近而城內自宣聖

廟以外絕無宋元之刻其爲洪武所毀無疑夫古人姓名著之

金石將爲不朽之計而金石之壽亦似有數存乎其閒此永叔

德甫諸公集古之勤大有造於古人也予集錄金石二十餘年

每見近代收藏家著錄往往至唐而止予謂歐趙之視唐五代

猶今之視宋元明也歐趙之錄近取諸唐五代今去歐趙七百

餘年尙守其例不變是責唐之司刑以讀鄼侯之律宋之司天

以用一行之算也可乎哉故予於宋元時刻愛之特甚而與子

同志者惟嚴侍讀道甫朱學士竹君李郡丞南澗三四人耳子

江甯金石序

進爲侍讀之長子濡染家學深造自得其於金石刻殆廢寢忘

食以求之尤以金陵桑梓之地舊刻之湮沒者旣不可攷乃訪

其見在者拓而藏之始漢訖元以時代爲次錄其全文附以考

證合一府七縣凡百數十種窮鄉僻巷古廟荒墳無不策蹇裹

糧手自椎搨不特可備一方之掌故且使著我錄者可銷可毀

可蝕可泐而文終不可亡善之善者也嘗怪漢唐碑刻西北多

而東南少以爲石質有堅脆之別然而校官之碑巖山之刻始

興安成吳平之墓碣高正臣顏真卿張從申寶泉之書近在金

陵百里閒歸然無恙使旁郡皆得子進其人者彙而錄之何渠

不西北若哉

乾隆四十四年歲次己亥十月望日竹汀居士錢大昕書於鍾

山書院



古餘先生大兄閣下半載以來久未奉書左右沈生狎鷗回吳  
得悉興居如意公務之餘不廢撰述文學政事一以貫之心跡  
雙清當於古人求之正恐古人中不多得耳金陵多古刻天璽  
神識碑摩挲最便銅井鎮之福興寺碑亦唐刻之佳者此外南  
唐宋元諸刻未易枚舉閣下聽政之暇諒留意搜剔上元巖上  
舍觀字子進係東友侍讀之子曾撰金陵石刻記最爲該洽若  
借得其書按圖而索之可無遺漏漏矣弟病後目力益昏日在  
雲霧中而精神亦恍惚讀書不數葉索然欲睡委心任運符到  
卽行而已尙之病亦未愈書生窮薄甚以爲慮茲因狎鷗西來  
附槭敬候近禧不任馳切 治弟錢大昕頓首

五月十三日  
原刻重漏字

右尺牘一通嘉慶九年甲子五月嘉定錢竹汀先生所寄者  
時余以松江府同知署江甯府事因先生言亟訪子進索其

錢函

書讀之歎其搜討之勤可備一方之掌故也謀授諸梓清齋  
亭太守周雪泉錢恕堂兩大令共樂成之子進又博稽羣籍  
取江甯金石之未經目覩者輯爲待訪目二卷因並付劄劄  
冬十一月余以揚州知府重綰郡符工旣訖功子進來索文  
爲敘余謂此書之成錢先生旣敘之矣何假多言然先生殷  
勤寄語與人爲善之盛心不可設也爰舉斯牘列諸卷首以  
識栞布之由惜乎先生已於十月廿日捐館舍不及見矣執  
筆爲之泫然是歲十二月十三日戊辰陽城張敵仁識于江

甯郡齋



江甯金石記凡例

乾隆甲午季秋侍 家君於歸求草堂語及鄉邦文獻因言金石文字亦可資攷證汝當搜羅以補乘志之闕觀謹識之自是

蠟屐尋山策蹇訪友所見殘碑斷碣無不摩挲椎拓凡閱三年輯成此帙起自秦漢訖於宋元釐爲八卷前文後詩取便檢閱至棲霞岫巉山銘楊氏釋文幾同令壺齟諧語故未引及

一江甯碑目見宋元人著錄文見近人所輯志乘者甚多按其  
所存不及十一而高淳江浦明始置縣六合經明代兵燹俱鮮  
古刻此編非現存者不錄故一府所存僅止於此

一周暉金陵瑣事所存古刻二十五通顧起元客座贅語補錄  
二十有八繼其著者如游美選勝張遺私乘劉純之芻詢存徵  
等錄以及府志按其所錄類皆相襲互鈔顧文莊嘗言金陵乃

江甯金石記凡例

六代都會之地所存應不止此遂輯載籍中凡有闕於此地者  
悉錄其目名金陵古金石攷但其書存佚不分觀之此錄非目

擊手拓甯付闕如欲使攷古者有所徵信故不敢循名泛列

一所采碑刻仿洪氏隸釋之例具錄全文附以攷證欲備掌故  
不計文之工拙玉珉不分不嫌其雜

一所錄碑以額爲題有額有題者則以首行入考證內書撰人  
名及立碑年月概敘于後以取畫一跋內謂八分行楷爲題額  
篆字爲篆額依潘氏金石例也

一卷中所輯頗有先哲所未見者如黃履金陵雜詠僧普莊辟  
支塔及永順捨田等記宋人題名皆足以補焦竑京學盛時泰  
棲霞牛首祈澤筮重光茅山諸志之遺舉此一二以釋非從志

乘中鈔掇之疑

一所錄碑碣文有漫漶者旁書缺字多者書缺幾字舊志閒有載其文者以石刻驗之亥豕之訛幾於滿紙丹黃校正頗費苦心閱者勿以志乘而正是錄

乾隆四十二年秋八月江甯嚴觀識于蒲盧學舍

江甯金石記凡例

二

蘇州四十二年秋八月江甯嚴觀識于蒲盧學舍

小冊告以志乘而玉其地

補其文者以石刻驗之亥豕之訛幾於滿紙丹黃校正頗費苦心閱者勿以志乘而正是錄

江甯嚴觀識于蒲盧學舍



江甯金石記目錄

冶城巖觀子進輯

卷一 秦 漢 吳 晉 梁 陳 北周 隋

秦嶧山刻石

李斯篆書二世元年立 在江甯學宮尊經閣下

漢校官碑

分書光和四年十月立 在溧水學宮

吳天璽元年紀功碑

皇象篆書 在江甯學宮尊經閣下

吳衡陽郡太守葛府君碑

正書 在句容梅家邊

晉張壯武祠甄題字

分書 在句容城內義臺

梁天監十五年并銘

正書 在句容城守署旁

梁安成王墓碑

劉孝綽撰 貝義淵正書 在上元黃城村甘家巷

梁始興忠武王碑

徐勉撰 貝義淵正書 在上元花林村清風鄉

梁吳平侯蕭景墓闕

正書 反刻 在上元花林村

陳棲霞寺碑

行書 在上元

北周保定二年造象

正書 在江甯城內孫忠愍公祠堂

鏡銘

正書 在江甯嚴氏

隋陀羅尼經

正書 在棲霞寺舍利塔上

卷二 唐

唐明徵君碑

高宗御製 高正臣行書 上元三年四月立 在棲霞寺

灑水上古貞義女碑

李白撰 并正書 在溧水

奉詔立放生池碑

附乞御書 碑額表及肅宗批答 俱顏真卿行書 在江甯鷲峯寺

送劉太冲序

顏真卿撰 并行書 在溧水學宮

造象記

正書 先天二年在 在江甯城內孫忠愍公祠堂

寶誌禪師讚

顏真卿正書 在上元靈谷寺

元靖先生碑

柳誠撰 張從申行書 大曆四年八月立 在茅山紫陽觀

福興寺碑

許登撰 張從申行書 大曆五年立 在江甯銅井村

紫陽觀鐘題字

正書大曆十四年九月造在句容關帝廟

元靖先生碑

顏真卿撰并正書大曆十口年五月立在茅山玉晨觀

景昭法師碑

陸長源撰寶泉正書貞元三年正月立在茅山玉晨觀

大泉寺新三門記

姚譽撰釋齊撰正書開成三年十一月立在句容崇明寺

張孝子祠殘碑

正書在句容義臺內

崇明寺石幢

正書大中七年十月立在句容城內

崇明寺殘碑

正書乾符四年立在句容

卷三

南唐

南唐治平寺殘碑

僧契恩撰并正書保大八年六月立在上元祈澤山

紫陽觀碑

徐鉉撰易元鼎正書已未歲十二月立今碑已碎僅餘片石為句容駱氏所藏陽湖孫觀察淵如藏有舊拓全本

本業寺記

僧契撫撰任德筠正書乾德五年七月立在上元

江甯金石記目錄

二

卷四

宋

晉卞忠貞墓前石柱

葉清臣正書在冶城山後

華陽洞口宋人題名十二則

在茅山

攝山題名九則

辟支佛塔記

僧普莊撰願清正書皇祐二年八月立在江甯牛首山

棲霞寺牒

元祐八年六月立刻于陳棲霞寺碑陰

仁壽縣君蘇氏墓誌銘

劉次莊撰并正書紹聖四年立在祈澤寺

崇明寺莊功德記

李潛撰并正書元符三年正月立在句容

碑側題名

正書

茅山蓬壺玉柱二洞題名

正書

大觀聖作碑

正書在句容學宮

觀妙先生碑

陳輔撰蔡仍行書政和五年立在茅山乾元觀



卷五 宋

建康甄題字 在江甯

勅賜嘉惠廟牒 紹興二年十一月立在新澤寺

勅封廣濟侯誥 紹興十七年立在溧水

新公塔銘 僧法永撰李布正書紹興十九年九月立在江甯雨花山永甯寺

句容縣重修夫子廟碑 江賓王撰正書紹興二十四年三月立

忠烈廟碑 胡銓撰正書紹興三十二年十二月立在卞公祠

溧水縣重修正顯廟記 王端朝撰并分書在溧水

晉卞公祠堂記 曾肇撰正書在冶城

李仲春題名 正書清熙元年正月刻在江甯清化鎮廣惠廟

瞻園普生泉石闌題字 正書清熙十三年正月刻在江甯

小倉山下井銘 行書嘉泰三年五月刻在上元

白雲崇福觀記 戴谿撰黃中書嘉定四年九月立在茅

三宿巖題名 行書嘉定十年刻在江甯靜海寺

方山定林寺記 朱舜庸撰秦鑄行書嘉定十三年正月立在江甯甯方山

重修建康府教授西廳記 鄭自誠撰并行書嘉定十六年正月立

建藏經記 僧寶華撰正書嘉定十七年七月立在祈澤寺

句容縣五瑞碑 江千里書紹定二年立在句容學宮

顯應閣記 周成之撰趙口發正書咸淳二年立在溧水城隍廟

白乳泉題名 在棲霞

試茶亭題名 在棲霞

卷六 元

句容縣重修學記 口文龍撰董信行書元貞二年七月立在句容

僧覺春題名 正書大德七年刻在句容崇明寺莊功德記側

觀世音傳略管道昇正書大德十年立在江甯城內左所卷地

加封孔子碑二通俱正書一在江甯學宮碑陰有記一在句容

碑陰三列一正書二行書

句容縣重建學記王構撰潘汝劼正書至大二年五月立在句容

建康路文廟祭器記劉泰撰潘汝劼正書至大三年九月立在江甯縣學

碑陰正書

建康路學祭器總數記胡助撰正書皇慶二年正月立在江甯縣學

三茅山崇禧萬壽宮記王去疾撰趙孟頫行書至治元年正月立在茅山

句容鄉賢祀記胡炳文撰程益行書泰定三年七月立在學宮

集慶路孔子廟碑盧摯撰王口書至順元年二月立在江甯學宮

句容儒學田籍記許良知撰吳口行書至順二年二月立在學宮

加封孔子父母及井官氏詔正書至順二年六月立在江甯學宮

江甯金石記目錄

加封顏子孟子詔

加封曾子子思詔

加封程明道伊川詔以上三碑俱正書至順二年九月立在句容縣學

捨田記碑下題正書至順二年刻在祈澤寺

卷七元

聖旨碑正書元統二年三月立在句容縣學

靈谷寺鐘文篆書後至元二年二月鑄在鍾山靈谷寺

祈澤治平寺捨田記僧承順撰正書後至元三年立在上元祈澤寺

孔子小影書後正書後至元三年立在江甯縣學

句容縣恭刻制詞記張起巖撰孔思立正書後至元四年立在句容縣學

句容縣學大樂禮器碑趙承禧撰曹復亨分書後至元五年立

碑陰正書



方山重修定林寺碑

虞集撰王士宏正書至正四年四月立

重修達奚將軍廟碑

林文節撰樊嗣祉正書至正二年正月立

碑陰

正書

重修清源真君廟碑

李桓撰趙儼分書至正二年三月立

碑陰

正書

卞將軍新廟記

虞集撰饒夔正書至正五年十一月立

重修縣學記

倪哲篤撰李桓分書至正八年五月立

崇明寺藏經院碑

僧廷俊撰師一正書至正八年八月立

德恩寺井闌題字

篆書在江甯

上元縣祈澤治平寺佛殿碑

僧伯元撰泰不華正書至正九年四月立

卷八

次韻子瞻題郭熙畫秋山詩

黃庭堅撰行書在溧水

江甯金石記目錄

五

金陵雜詠

黃履撰正書在江甯縣學

高逸上人詩

草書在上元祈澤寺

梵仙詩

草書在祈澤寺

邵堯夫游伊洛詩

朱子草書在江甯府學

滿庭芳詞

如愚居士撰正書在江甯牛首山

秦

嶧山刻石

皇帝立國維初在昔嗣世稱王討伐亂逞威動四極蒼義直方  
戎臣奉詔經時不久滅六暴強廿有六年上薦高號孝道顯明  
既獻泰成乃降專惠親軼遠方登于繹山羣臣從者咸思攸長  
追念亂世分土遑邦以開爭理功戰日作流血于野自泰古始  
世無萬數阨及五帝莫能禁止迺今皇帝壹家天下兵不復起  
燭害滅除黔首康定利澤長久羣臣誦略刻此樂石以著經紀  
皇帝曰金石刻盡始皇帝所爲也今襲號而金石刻辭不稱始  
皇帝其於久遠也如後嗣爲之昔不稱成功盛德丞相臣斯臣  
去疾御史大夫臣德昧死言臣請具刻詔書金石刻因明白矣

臣昧死請制曰可

江甯金石記卷一

一

秦刻石頌功德妄且欺不必云已獨其臣斯書畫之妙  
爲世寶玩予夙嗜古篆收藏嶧山善本方之棗木傳刻  
大不相侔欲廣其傳未遑至元癸巳方承乏行臺訪求  
前人遺刻得羲獻蘇黃數公若干帖及斯書泰山碑石  
四乃命教授朱君天與移置郡庠斯之書剝落幾盡僅  
存者殊不此類於是礪而摹刊之他日東南字學復古  
未必不自茲始東平李處吳記

篆書

金陵詩書禮樂之邦舊多名賢石刻藏諸官廨深局固  
鏘人一見弗易兵後投注草莽與瓦礫俱至口舍介夫  
取爲燧具不聞何問識者咨嗟行臺治書侍御史東平  
李公處吳一日與都事金臺賈公惟政易水張公經起





而謀曰凡有關於斯文之廢興者吾黨之事於是旁搜  
幽討得石八十一片中有秦泰山碑剝落不可讀當時  
所摹纔廿字絕不類斯筆李公得繹山謔本二百廿有  
三字互證參稽真贗判然山谷城南帖亦脫滅六十有  
二字時丹陽李公浩提舉學事謂玷缺弗稱捐已俸助  
工口更臨繹山古篆訪山谷遺帖刻石以完合而置之  
郡學止善堂之東西步榮六文八體閒錯焜燿使多士  
朝夕得以觀覽其期斯文於永久非徒爲玩好而已也  
至元癸巳重五日教授東陽朱天與敬題

行書

聖門不廢游藝斯筆高古君子亦不以其人廢之吾畱  
庠之有繹山碑刻舊矣不知何時失中一段自登于繹  
山山字以下凡廿有四字正德中大司馬白巖喬公補

江甯金石記卷一

二

勒成之鄉先生黃搗之謙跋後顧其石磷薄斷裂爲二  
頃復逸其大半好古者惜之養初曹先生頃署畱學睹  
其廢闕慨然思復其舊乃訪摹舊本購貞珉命工重勒  
於是古文復完先生名育賢貴陽人丙子貢士粹德立  
範百廢修舉此其一端云萬曆丁亥夏孟上元李登謹

識行書

右刻石在江甯縣學尊經閣下觀聞家君云文自皇

帝立國至以箸經紀始皇刻辭也下迺二世詔書封演  
間見記云嶧山刻石後魏太武排倒邑人聚薪焚之有  
縣宰取舊文勒石歐陽修集古錄云有別本出夏竦家  
今讀李處巽跋此本非棗木傳刻可知但不知所摹何  
本也司馬遷史記稱廿八年東行郡縣上鄒嶧山立石



而此云廿六年薦高號蓋述其并天下之日也嶧史記  
作繹金石刻因明白矣作石刻因明白矣中動作動從  
童與婁壽碑固不動心字同蓋古重與童本通也親巡  
作窺軻許慎說文窺至也軻車約軻亦古字通攷說文  
兩引秦刻石而碑中倣字與之不合至強作強上變口  
尊變亭中變田建作隹下變乚數作數譌申中襲作襲  
訛豈爲巳者作昔省右筆德作德省中筆竝乖六書之  
正又壹作壹亂作亂極作極逆作逆此雖互異猶未失  
籀篆之意竊疑此碑舊刻亡佚是迺以意爲之者鄭博  
士跋長安摹本云徐騎省晚獲此碑師其筆力自謂得  
思于天人之際其言恐未足據也

漢

江甯金石記卷一

三

校官之碑

蓋漢三百八十有七載

闕三

于

闕四

銘功著斯金石其誅曰溧

陽長潘君諱乾字元卓陳國長平人蓋楚太傅潘崇之末緒也  
君稟資南口之神口口口天德之絕操髻髻克敏口學典謨祖  
講詩易剖演奧藝口外覽百家衆推挈聖抱不測之謀秉高世  
之介屈私趨公卽仕佐上郡位旣重孔武赴著疾惡義形從風  
征暴執訊獲首除曲阿尉禽姦莩猾寇息善歡履蒞竹之廉蹈  
公儀之絜察廉除茲初厲清肅賦仁義之風修口口之跡垂化  
放序岐周流愛雙庠口口親馭寶智進直退隱布政優優令儀  
令色獄無呼嗟之冤桎無叩匄之結矜孤頤老表孝貞節重義  
輕利制戶六百省無正繇不賈自畢百姓心歡官不失實於是  
遠人聆聲景附樂受一廬旣來安之復役三年惟泮宮之教反



失俗之禮構修學宮宗懿招德既安且甯千侯用張匱豆用敝發彼有的雅容口閑鍾磬縣矣丐肯樂焉乃作敘曰

翼翼聖慈惠我葦蒸貽我潘君平茲溧陽彬文赴武扶弱抑彊口刈鞭雄流惡顯忠咨疑元老師取作朋修學童冠球質繡章實天生德有漢將興尙且在昔我君存今口此龜艾遂尹三梁永卅支百民人所彰子子孫孫卑尔熾昌

丞沛國銍趙勳字募伯左尉河內汲董竝字公房右尉豫章南昌程陽字孝遂

時將作吏名戶曹掾楊淮議曹掾李就議曹掾梅檜戶曹史賀從掾位侯祖主記史吳超門下史吳訓門下史吳翔門下史時球

江甯金石記卷一

漢校官碑宋紹興十一年溧水尉喻仲遠得之固城湖濱置之官舍今在孔廟之大門右長樂陳長方雖嘗口碑其所得本末釋文則未之見碑以靈帝光和四年歲在辛酉造距今一千一百五十三年番陽洪景伯先生出字爲之釋謂挈爲契菴爲黎早爲俾楸爲野賁爲賁剗去其刀賢去其貝千侯與豺侯通尙且謂太周公可謂精密有據其餘不可辨者尙有二十七字今觀首行自三百字以下止斯字凡十有六字比之洪氏作釋文時又皆不可考且如第三行之字之下是禡字禡下缺一字有天字敏之上是克字衆之下是雋字退之下是慝字役之上爲復反之下爲失此之上爲卽皆隱隱可見洪則悉以爲闕又如旣安且甯則以爲昌甯梅檜



則以爲桓檜豈當時誤于墨本而然耶溧陽志至謂元卓爲元貞是又以名乾而傳會也禧承乏於茲暇日與士友暫國傑摩莎久之得其一二因以洪先生釋文列於上僭附所見於下勒諸樂石以補前修之所偶未及者餘尙俟博雅君子云至順四年龍在癸酉夏五月文學掾濟陰單禧謹識

右碑光和四年十月己丑朔廿一日己酉造文後分三橫列綴以題名漢碑多有此式邇來拓本多劣非對釋文讀之幾莫能辨其啄磔益知洪适隸釋有功於後學非淺此碑前人攷證自洪文惠以下論者已極詳備又聞之竹汀師云釋名誄累也累列其事而稱之也廣韻誄壘也壘述前人之功德也誄本爲哀死而作今縣民頌其長而稱誄雖亦累德之詞然失其義矣宜後世不以之爲例

吳

天璽紀功碑

上天帝言天

下步于日月

帝曰大吳一萬方甲午丙日干

才仁中平予元元于山川

天發神讖文

天璽元年柰己酉朔十四日中

荃中郎將月

然發刻廣省

是天讖廣多

未解解



者十二字呂 月廿三日遣 解文字

令史建忠中 將會稽陳治 解十

三字治復有 未解呂八月一

詔遣中書郎行 將軍裨將軍關內 九江

費宇行視叟 二字合五十泰 字與

西部校尉姜 關絡典校皋儀備 梅胤

章咸李楷賀 吳寵建業丞許 番約

等十二人吏咄竝共觀視深甄厥 百永歸

大吳上天宣命昭 太平文字炳服而 在諸

石上故就 刊銘敷垂億

蘭臺東觀令 吳郡

江甯金石記卷一 六

巧工九江朱 工東

功東海叟侯

予因遊府南天禧寺寺門之外有石三段半埋于土竊

疑以為天璽元年巖山紀吳功德段石岡之碣因觀之

果耳人多傳皇象書稽之實八百十有五年字雖損缺

而尤有完者寺僧不知護持歲月之久風雨所暴必至

泯滅因輦置漕臺後圃籌思亭時辛未元祐六年三月

廿二十六日轉運副使左朝請郎胡宗師題 正書

余奉命計臺侍親遊此得天璽斷碑親之 吳玉搢金石

之而石刻筆力高而雨文辭殘簇不可讀也悲夫崇甯

元年中秋日轉運判官石豫安正題 而雨二字不可解

年耿定向題名無 關攷證是以不錄



右天璽元年紀功碑吳錄以爲華覈文黃長睿東觀餘論作皇象書今在江甯縣學尊經閣下碑殆毀于晉季石凡三段形如覆臼字列三面而虛其一俗稱落星實爲可晒威光集慶續志云辭不可讀可識者八十餘字數其釋文僅七十一字顧起元客座贅語因之俱誤以中書郎在關內侯下吳郡在九江朱下未有釐正之者今攷證舊搨連接三段實存二百一十六字又不全十一字辭意乃貫通可讀按陳壽吳志云天冊元年吳郡言掘地得銀長一尺廣三分刻上有年月于是改元天璽又言臨平湖壅塞復開于湖邊得石甬中有小石青白色長四寸廣二寸餘刻上作皇帝字八月又言歷陽山石文理成字凡二十云楚九州渚吳九州都揚州土

江甯金石記卷一

七

作天子四世治太平始又吳興陽羨山有空石長十餘丈名石室所在表爲大瑞於是改元天紀總孫皓在位十六年凡八改元言符瑞者累累矣未幾王濬入吳符瑞之事果何有哉此碑書法鈗厲奇崛董廣川以爲本漢隸楊東里以爲八分朱竹垞以爲在篆隸之間然總不若謂之篆書之確也至郭引伯目以牛鬼蛇神實爲妄誕學者去古日遠以己之所未喻指訾古人不亦過乎然此體學之不成便墮惡道又不可不知也

吳衡陽郡太守葛祚碑

吳故衡陽郡太守葛府君之碑

右葛祚碑額正書鉅刻屹立句容城西梅家邊按釋道世法苑珠林引搜神記云祚字亢先丹陽句容人吳時



作衡陽太守郡境有大槎橫水能爲妖害百姓爲之立廟行旅過者必禱祀之乃安祚將去官大具斧斤將伐去之其夜槎自浮去數里之外駐在灣中其患遂息行者賴之衡陽人爲祚立碑卽其人文雖漶漫然是眞書始見碑碣者良可寶也

晉

張壯武祠甄  
咸康四年

右甄高六寸長五寸寬二寸八分書陽文云咸康四年按房喬晉書張華范陽方城人二子趨禕禕字字公安襲華爵避難過江辟丞相掾大子舍人觀獲交其裔孫道正云其世譜載輿過江後家句曲明萬厯間尙有祠

江甯金石記卷一

八

基族子葺治得晉甄數枚款文竝同遂嵌置義臺之壁但質理瑯澀非羽陽之比而古來金石代有存者與午一代則碑碣如晨星今獲觀此不異斷珪零璧矣

梁

梁天監十五年井闌題字

梁天監十五年太歲丙申皇帝愍商旅之渴乏乃詔茅山道士口口永若作亭及井十五口

右井在句容城守署闌刻正書三十五字歐趙諸公之所未見甲辰春孫君季逵訪得手拓其文遠贈觀其書法沈毅中含逸致之狀絕似瘞鶴銘豈亦出貞白先生之手乎

梁散騎常侍司空安成康王碑



碑已漶漫文不可參軍朱甄下議曹從口茂昌下缺二西曹修

行夏令孫下缺西曹吏朱政興下缺三西曹吏鍾離文會下缺西曹

吏荀靈副西曹吏朱僧表下缺西曹吏悄景仙下缺四西曹吏劍

口下缺五小吏潘洗之下缺吏虞政緒下缺吏臯伯杼下缺吏昞法

李下缺吏桓師祐下缺六吏景肅吏周道授吏蔡寵之吏虞公分

吏黃公強吏盛持之吏潘僧敞吏許休之吏陳法況吏蔡文建

吏錢文豪吏榮承宗吏劉公憲吏錢文超吏趙世成吏莊悅之

吏郭陵叔吏蔡温吏周開之吏李道興吏孫令宗吏黃石虎下缺

吏郎後文下缺吏邴明吏陳伯林

上元黃城村東北甘家巷有二碑屹立田中其一全泐

一額云梁贈侍中空安成王之碑文為風雨摧殘剝

落已盡喜其中隱約有孝綽數字可辨蓋即王厚之復

江甯金石記卷一

齋碑錄所載故州民前廷尉彭城劉孝綽撰吳興貝義

淵正書之碑也按王名秀字彥達太祖弟七子與始興

王同母以孝弟聞於時官中衛將軍都督郢司霍三州

軍事尋遷雍梁南北秦四州軍事多惠政天監十七年

薨於竟陵諡曰康歸喪京師故吏夏侯直表請立碑詔

許之于是名士游王門者王僧孺陸倕劉孝綽裴子野

各製其文欲擇用之而咸稱實錄遂四碑竝建從古所

未有也然王陸等作金石家未見論及豈其剝蝕尚在

此碑之前歟

碑陰正書分六列紀故吏人名今止三十九人姓氏可

辨中多希姓亦可資博雅之小助云

梁故侍中司徒驃騎將軍始興忠武王之碑



上缺四十八字天乙降元鳥以居毫□子駕白馬而君宋爰初啟姓實

惟建□文終□冠羣后少傅□□□時□葉缺太常仁□□□

□後斯大缺字德之缺字資三才之□□□□明之缺時年數

歲所生吳太妃有疾公衣不解帶缺人□則應之千里始登□

□□□府令□西中郎□□法曹俄遷外兵優悠戎佐□詠缺

之會□□□之符缺略紛紜□勇公□贊神缺以公為冠

軍將軍西中郎諮議相□□□中郎俄遷給事黃門侍郎缺字

南平王留守雍部于是四海宅心八百胥會人神協契莫不率

從而廉□之缺字服猶□寔繁有徒梗我王路公缺字肅奉成

規事等簫□出屯西壘□□南平梁川□與太守□□都□川

太守□師仁踰一方謀據漢北將至城下公毗贊許謨盡其晨

缺上明姦回□騁豕突方縱又鎮軍將軍蕭穎胄佐命西朝政

江甯金石記卷一

教彼在一朝徂殞內外怛然以公式邊有方□□□寄□□下璽

三策徵公入輔聞命選徒裹糧遄邁紀缺大蕃興后來之歌皇

輿無反顧之慮和帝西下以公為使持節都督荆湘益甯南北

秦六州諸軍事平西將軍行缺天監元年四月封始興郡王食

邑二千戶江漢之紀定惟南國形勝之要□鎮西楚苞含蠻蜒

控接巴巫分陝缺詔使持節都督荆湘益甯南北秦六州諸軍

事安西將軍荊州刺史公褰衰襜以化黎氓張袖以納夷狄先

之以德惠後之以威刑廣田省役階無滯訟應接如神缺之勞

成都父安公之力也事閒務曠常集賓僚訪問政道談述詩賦

親屈車騎軾隱者之廬虛已降尊延白屋之士給醫藥以拯疾

病建缺茂□于楚□□加鼓吹一部六年沮漳暴水汎濫原隰

南岸邑居頻年為患老弱遑遽將至沈溺公匪憚澣沐親自臨



視忘垂堂之貴缺服德之攸盛皆曰明神四郡所溥賑私粟

髡眉縮髮莫不歌頌是歲嘉禾一莖九穗生于邠洲甘露降于

府桐樹唐叔之美事缺水缺不入缺六日毀瘠缺年扶而後缺

中旨缺諭以大軍之後宜盡安缺用表自陳人哀苦次服制

有闕毀痛踰缺辛祐不堪履履荷顛面不可識哀瘡在皂憂未

忘也其缺年十一月以本缺還朝改授平北將軍缺將軍領

中書令中衛將軍缺又詔都督缺討衆軍缺中書令中衛將軍缺

領衛尉卿公趨事紫居兼總關柝絲綸惟力矜帶以清入屯斯

謚千廬無警其年秋更授使持節散騎常侍缺六徐青冀五州

諸軍事鎮北將軍南兖州刺史缺二十舊曰難洽公缺車缺

懷遠能還貝錦在路不缺竊于達中桃李垂蔭不潛撥于樾下

李珣率由清約缺九年正月遷使持節散騎常侍都督益甯梁

南北秦沙七州諸軍事鎮西將軍益州刺史西缺芮北指秦

川鳥缺河沙之酋龜茲隴右之長魚方缺祭仲元於圭譏表君

平之舊廬軾長卿之故館缺道則缺夫嘆之十四年更授使持

節散騎常缺莫不改缺生缺司空安成康三堯公同胞異體缺

友愛缺夙夜匪懈吐握無怠缺十一月缺日缺驟幸有廢寢

膳缺貶神缺不缺勳隆陝服契闊屯夷劬勞蕃寄缺內掌

司嘉猷缺著方正位論道贈侍中司徒缺人羽葆缺吹一部

謚曰忠武禮也惟公栖心衡泌則繕性虛淨枕戈授律則勳隆

協贊孝敬盡于君親仁義行于缺孜孜爲善温温克讓缺神

妙缺其朗推賢下士降尊就卑無棄賤貧所珍儒雅鹽梅鼎寶

舟楫大川信列辟之羽儀庶僚之隹的者也加以深信大道妙

識苦空味絕滋腴身離煩缺能使缺世鑢仰道俗缺附功缺



宇宙□□惇史白□□潛光□符□駕吏民哀慟裋絰成林瞻  
太山□□悲仰棟宇而興慕諒已鏤金雕玉昭像輝飭碧繪丹  
晉刑麟閣戎狄思耿胡羌悲鄧告哀墮淚不□昭等□□阻  
川路悠長不及卜遠之辰罔遯易名之請灑泣無寄銜恨莫申  
謹遵前議刊□立碑髣髴令德依稀神儀傳世代而莫朽等山  
川而無虧其辭曰

日月貞明川岫澄清□□奉職毗世作楨於鑠忠武體二于情  
義均與且道□□平棟梁世則羽翼人英木運告圯繇倫亦覆  
缺入字□□□水虎嘯樊谷關河之寄允歸親睦若恂諫、酋何  
轉轂締構寶厯山河萬寓雲雷利建□□□土比漢于一  
于魯擁旌推轂出蕃入輔車服以庸旗車有序六條設教八命  
肯彰再臨七澤缺十字□□彭泗恩浹樊襄有來斯穆無思不

江甯金石記卷一

康宏開聖化休我烈光文武兼姿出內均美式□□□肅雍中  
壘儀形三事飛騰九軌縉是謳歌明茲獄市方趨上鈔變理陰  
陽陪鑾日觀侍蹕龍鄉缺三字□□台光報施爲虛福仁遂爽  
瓊樹云落人倫安放罷市四蕃行號十壤吏民推慕賓御□罔  
山海安托蟬佩空想若鄭喪僑由晉亾向西光曖曖東川養養  
時謝恩深年流德廣式元原碑少防闕吳永寄希仰碑未刻防闕吳與邵元明立石

防闕吳與邵元明刻字

右碑在上元花林之東黃城村侍中尙書右僕射宣惠

將軍東海徐勉造吳興貝義淵正書按王名愴字僧達

太祖第十一子居母喪過禮哀感旁人聞兄安成王薨

哭泣不飲食者數日傾財產賻送天下稱其悌史稱王

有佐命之元勳利民之厚德故其還朝也民歌曰始興



王民之爹赴民急如水火何時復來哺乳我薨于普通三年十一月諡曰忠武碑文與史傳大略相同惟封始興郡王食邑三千戶碑作二千戶耳金陵承六代之餘然其時碑碣流傳者絕少獨此與安成王碑蕭景石闕未與寒煙野草共銷滅于三山二水閒若非神物護持未必得傳于今也碑中以包含作苞含黎氓作黎氓式閭作軾廬圖形作鬲刑儀型作儀形以麟作麟同國策而異他經又以陳作隙暴作暴堂作堂瘡作瘡皂卽身字儒卽儒字彳从彳广从疒疒古胥字銘中原落一字竟未補注觀見古刻每有落字或注于旁或竟不補蓋當時書丹于石者多故時有此誤耳

### 蕭景墓闕

江甯金石記卷一

三

梁故侍中中撫將軍開府儀同三司吳平忠侯蕭公之神道

右蕭景墓闕正書反刻在上元花林村按景高祖從父弟封吳平縣侯天監十五年加侍中十九年出爲安西將軍郢州刺史普通四年卒于州詔贈侍中撫軍開府儀同三司諡忠闕稱中撫將軍而人作中撫軍蓋脫一字辛楣先生云梁置一百二十五號將軍四征施於外東西南北是也四征施于內軍衛撫護是也

陳

金陵攝山栖霞寺碑文 并銘

蓋聞天有神宮地云靈府葉欽博記始敘四衢之塔金朔著經因知千步之寺至如峯形甌嶰岫勢堂密亦烏足言哉南徐州瑯琊郡江乘縣界有攝山者其狀似繖亦名繖山尹先生記曰



山多草藥可以攝養故以攝爲名馬南瞻舊落顧悌鎮戍之塢北望荒村扈謙卜筮之宅此山西南偶有外道館地俄而疫痢磨滅三清遺法未明五怖之灾万善開宗遂變四禪之境倏見齊居士平原明僧紹空解淵深至理高妙遺榮軒冕遁迹巖穴宋泰始中嘗遊此山仍有終焉之志村民野老竟來諫曰山多狼虎毒蛇所以久絕行踐僧紹曰毒中之毒無過三毒忠信可蹈水火猛獸亦何能爲乃刊木駕峯雜艸開徑披拂藜梗結構茆茨廿許年不事人世渡河息暴擾篋無立皆曰誠至所感有法度禪師家本黃龍來遊白社梵行殫苦法性純備與僧紹冥契甚善嘗于山舍講無量壽經中夜忽見金光照室光中如有臺館形像豈止一念之間人王照其香蓋八未曾有淵石朗其夜室居士遂捨本宅欲成此寺卽齊永明七年正月三日度上

江甯金石記卷一

十四

人之所構也山情率易野製疎朴崖檐峻絕澗戶幽深卉木滋榮四時助其彫綺煙霞舒卷五色成其藻絢居士嘗夢此巖如來光彩又因閑居依稀目見昔寶海梵志睡觀花臺智猛上邱行逢影窟故知神應非遠靈相斯在居士有懷創造俄而物故其第二子仲璋爲臨沂令克荷先業莊嚴龕像首於西峯石壁與度禪師鑿造無量壽佛坐身三丈一尺五寸通座四丈并二菩薩倚高三丈三寸若乃圖寫瓌奇刻削宏壯蓮花瑩目石鏡沈暉藕絲縈髮雲崖失彩頂日流影東方韻其大明面月馳光西照匿其成魄大同二年龕頂放光色身相晃若炎山林閒樹下翫若火殿禪師自識終期欣瞻瑞應以建武四年於此寺順寂豈非六和精進十念允諧向沐寶池方登金地者也齊文惠太子豫章文獻王竟陵文宣始安王等慧心開發信力明悟



各捨泉貝共成福業宋太宰江夏王霍姬蕃閨內德齊雍州刺史田奂方牧貴臣深曉正見妙識來果竝於此巖阿廣抽財施琢磨巨石影擬法身梁太尉臨川靖慧王道契真如心宏檀蜜見此山製置踈闊功用稀少以天監十年八月爰撤帑藏復加瑩飾績以丹青鏤之銑邊五分照發千輪啟煥排天堂廡玉露分色接岫軒墀翠微抽影八定之侶步纖草而揚梵三慧之僧挹飛泉而動色喜園凝靜豈傲吏之凡遊深谷虛元非愚公之俗路是以王公搢紳之輩郎吏肯史之屬步林壑陟臯壤升精舍拜道場莫不洗滌無明澣濯羈暗非直心之砥路孰能如斯者乎慧振法師志業該練心力精確度上人將就遷神深相付囑法師聿修厥緒勸助衆功基業田園多所創置先有名德僧朗法師者去鄉遼水問道京華清規挺出碩學精詣早成波若

江甯金石記卷一

二五

之性夙植尸羅之本闡方等之指歸宏中道之宗致北山之北南山之南不遊皇都將涉三紀梁武皇帝能行四等善悟三空以法師累降徵書確乎不拔天監十一年帝乃遣中寺釋僧懷靈根寺釋慧令等十僧詣山諮受三論大義賈誼曰學聖道如日之明孫卿云登高山知天之峻今之探蹟其此之謂南蘭陵蕭跡幽栖抗志獨法絕羣遁世茲山多厯年所臨終遺言葬法師墓側還符田豫託西門之冢更似梁鴻偶要離之瘞又按神錄云楚靳神在今臨沂縣齊永明初詣沙度上人受戒自通曰靳尙卽楚大夫之靈也大同元年二月五日神又見形著菩薩巾披袈裟閒雅甚都來入禪堂請寺衆說法崑嶺之中百神所在首陽之路八駟竝驅未有修淨戒之品詣得道之僧整忍辱之衣入安禪之室是知名山大澤靈異憑依者矣慧布法師幼



落煩惱早出塵勞律儀明白貞節峻遠貫綜三乘不自媒銜楷  
模七衆無所詆訶曩日靜憩鍾巖余便覲止食仁飲德十有餘  
年頃于攝阜受持珠戒佩服之敬雖敢怠于斯須汲引之勞且  
曷伸於報効夫言意難盡鉛槧易涸固比河山莫如金石凡諸  
徵應并預隨喜竝勒于碑左乃爲頌曰

湯湯心火冥冥世流論生若寄喻死若休三明未了十智難周  
盡纏癡愛豈離瘡痍敬仰雞足恭聞鷲頭斯可羨其路何由  
我聞梵宇面壑臨邱我園靈跡果植因

畫繪泐石彫鏤

連雲出沒泄雨沈浮經行松磴禪座蕙後澗風長瀉崖溜慙抽  
花臺似雪夏室疑秋名僧宴息勝侶薰修三乘謂筏六度爲舟  
金幢合蓋寶駕驅軻地祇來格天衆追遊五時無爽七處相侔  
辭題翠琰字勒銀鈎賢乎樂餌過客宜留

江甯金石記卷一

六

右碑陳侍中尚書令宣惠將軍參掌選事菩薩戒弟子

濟陽江總持撰陳翊前會稽王行參軍京兆韋霈書此

碑經唐會昌時毀廢後已曾重立至宋復斷康定元年

三月十七日僧契先復依舊本鐫立始得傳至于今前

列款云聖宋賜紫沙門懷則重書賜紫沙門有朋篆額

按姚思廉陳書江總以字行其自序有云弱冠歸心釋

教年二十餘入鍾山就靈曜寺則法師受菩薩戒因碑中

官陳與攝山布上人遊款深悟苦空更復練戒因碑中

敘及結交緇流遂重紀其略竝明其書菩薩戒弟子之

意辛楣先生云銜上翊前二字初未解爲何語因攷

陳書後主之第八子莊封會稽王正明二年除翊前將

軍揚州刺史則需卽莊之屬吏當時太子封王者必除



都督刺史加將軍號乃得開府置官屬故加翊前於會稽之上也梁時置翊前翊後翊左翊右四將軍在第二十班今人知其名者尠矣碑中以竟作竟以界作界又多省筆字惟義作義字書所未見

北周

保定二年王悅生造象

保定二年

缺

十五日已

缺

□□供子王悅生

缺

爲天龍八部下

爲人帝王七世父母見在父過去母合門大小至一已以上百歲以來恒願在西方供養无量壽佛復爲一切法界衆生生世世侍佛聞法祖父王熹祖母張香父王魯是母陶餽香母樂女香□□□香佛弟子王悅生

象凡四面此第一面

造象題名

江甯金石記卷一

七

息男伏敬息男伏榮息女端政息男伏奴息男伏敬

此第二面

右造象合今尺高一尺五寸寬八寸凡四面二面俱刻

佛象二面題名俱正書現存孫淵如觀察五松園

鏡銘

絕照覽心圓輝矚面藏寶匣而光掩挂玉臺而影見鑿羅綺於後庭寫衣簪乎前殿

鏡銘自漢以來多有之如尙方作竟之類多大同小異

北周

觀家藏一鏡縱橫五寸光如滿月背列正書三十二字

鮑文雅堂謂銘詞清麗定出齊梁佳製且云鏡質甚古

非唐以後物也爲賦長句詠之蓋以六朝碑碣灰冷煙

飛海陵片石空聞其語卽如六代風流不盡如王謝堂

前燕者賴此一照子猶可想像百分之一耳



隋

陀羅尼經殘字

陀羅尼經 文不錄

隋仁壽元年六月詔頒舍利於諸州其時共起塔四十九座咸刊石以紀瑞應傳於今者觀所見鄧州之銘同州之額而已棲霞塔石質若玉鐫鏤極精蓋因其時有命先往是地所以鄭重有加于他處也惜半為火敗相傳宋建炎初金師還欲渡江與韓世忠戰于黃天蕩夜見是塔有光赫若冶鑪之燄不識其故因用火焚此遭毀之由據宇文懋昭大金國志交戰事在天會七年冬塔之二級有陀羅尼經殘字正書秀逸雖姓氏不傳然必非隋唐以後人之所能為也

江甯金石記卷一

天



唐

攝山棲霞寺明徵君之碑

朕聞鍾山玉闕羽駕之所巡遊崑嶽金臺蜺衣之所翔集雖復眞宗宵眇神理希微猶居三界之中未出九天之外唯有乘如廣運妙覺圓明因無生以濟有生就無象而成大象道隔去來之際筌繫靡得其端理忘動寂之機隨迎罕窺其奧得其門者如髻寶之希逢臻其極者似曇花之難遇南齊徵君明僧紹者平原人也仲雍誕其綿滄井伯播其靈苗芳源肇其孟明因卽以明爲姓曾祖忱晉著作郎祖玩晉建威將軍鳳經流譽雅韻隆於八儒豹略申威香名高于七校父略宋平原太守中書侍郎朱明出撫揚惠化而宥霑紫誥攸司罄忠規而奉上徵君早

江甯金石記卷二

一

植淨因宿苞種智悟眞空於綺歲體法性於青襟照與神通心將道合遺榮軒冕少無塵雜之情託志林巖自叶幽貞之趣亭亭秀氣掩璧月而架丹霄皎皎清矜漱瓊湍而淩碧瀨卽相非相指萬象爲虛空無我無人等四流於寂滅加以學窮儒肆該綜典墳論極元津精通老易至若鹿野龍宮之祕猿江鶴樹之文莫不遞貫清衷總持丹府班荆坐樾獨神王于亭舉朗嘯長吟乃情超於宇宙蒲輪每至攀桂之節逾高玉帛屢陳枕石之誠弥固遂乃緬懷飛遁杭迹嶗山託岫疏階憑林結棟紉蘭製芟方輕藻火之衣爽籟風松自代管絃之響橫經者四集請益者千餘高鳳愧以韜光張超謝以成市於時南風不競東土構屯人厭豺狼之毒家充虵豕之餌盜仍有道望境歸仁共結盟誓之言不犯徵君之界豈非至誠攸感木石關心者乎及元厯



告終青光啟祚齊高祖希風亡福側席傷求屢下徵書確乎不拔其後又移居鬱洲揜榆山棲雲精舍情親魚鳥志狎煙霞蛻影樊籠蕭然獨往齊建元元年又下詔徵爲散騎侍郎又不就旣而濟岱淪胥公私蕩覆稽天之浸將溷滔海之居燎原之火欲燼藏山之璞乃鴻鸞鳳舉騰萬仞以高翔擇木選居相九土而遙集淩江迴憩遂屆南京負杖泉邱遊睨林壑歷觀聖境行次攝山神谷仙巖特符心賞於是披榛雜草定跡深棲樹槿疏池有終焉之志此山其狀如繖故亦號曰繖山丹穴紅泉共星河而競寫珠林鏡嶽與月桂而交暉鳥呀巖虛猿吟澗靜松門杳藹去來千里之雲花援丰茸含吐十枝之日寶息心之勝地乃宴坐之名區爰集法流於焉講肄音容秀徹字量端凝放論會奇興言入妙若鴻鐘之虛受有擊必揚似明鏡之忘疲無來

江甯金石記卷二

二

不應於時元儒兼闡道俗同歸俱號淨名以旌至德先是山多猛噬人罕登臨昇巖有仙谷之危越澗等憑河之險徵君心不忤物總萬類以敷仁故使物有革心屏三毒而歸惠興風斂暴遽承探鯁之恩游霧含辛自埒報珠之感於時齊道方穆寤寐求賢永明元年又徵爲國子博士徵君隱居求志義越于由光不降凝心跡高于園綺鑿坏貞遁漱石忘歸鶴版載臨豹姿逾遠俄有法師僧辯承風景慕翼徒振錫翻然戾止法師業隆三藏道邁四依戒行堅明律軌嚴淨欣然一遇叶契千齡子琴爲莫逆之交溫雪豈容聲之友因卽鄰巖構宇別起梵居聳嶠飛柯舍風吐霧棲霞之寺由此創名福地裁基肇發初心之誓法門落構遽鍾後說之辰安居頃之辯師僊化六年頂拜雖開青石之壇千日威光未建紫金之岳徵君積緣登妙至感入微嘗



夢法身冠于曾巘後因乘眺屣步林亭乃有浮磬吟空寫圓音  
於帷樹飛香散迴騰寶氣於鑪峯又覩眞顏於巖之首神光駭  
矚若登靈鷲之山妙力難思如遊瞿龍之邑豈必無垢佛國獨  
蔭珠雲淨德王家方承珂雪是知不行而至冥通應感之符爲  
法而來實昭光啟之福非夫慧因宿植其孰與于此哉於是拜  
受嘉徵願言經始將於巖壁造天尊儀乃眷爲山未遑初簣遽  
而西川智士與曉岳而俱傾東國高人隨夜星而共沒瓊瑤落  
彩峯岫沈暉永明二年奄遷丹壑第二子臨沂公仲璋顧慕曾  
巘旣崩心於岫望徘徊曩構更泣血于楹書遂琢彼翠屏爰開  
堇座捨茲碧題式建花宮上憲優填之區仰鑲能仁之像校美  
何充之宅遽興崇德之闡逖彼蕭宗大宏釋典文惠太子及竟  
陵王或澄少海之源派朝宗于法海或茂本枝之穎發萌栢於

江甯金石記卷二

三

禪枝咸捨淨財光隆慧業時有沙門法度爲智殿之棟梁卽此  
舊基更興新製又造尊像十有餘龕及梁運載興銳心迴向大  
林精舍竝事莊嚴臨川王載剖竹符宣化惟揚之境言尋柰苑  
興想拔茅之義以天監一十五載造無量壽像一區帶地連光  
合高五丈滿月之瑞湛珠鏡以出雲崖聚日之輝昇璧輪而皎  
煙路參差四注周以鳥翹之房迢遞千尋飾以魚鱗之瓦擊鳴  
乾于爽簷則步影齊歸麗停午於高曦則息心攸萃逾錦城而  
特建掩銀界而孤標良由積慧所符大士著甚深之業用能遙  
誠克果永代增希有之緣以曠劫之隆因開舍生之至福偉哉  
壯觀無得而稱朕肅纂禎圖丕承寶厯澄九溟而有截晏八表  
而無爲紫塞丹岑接封畿于上苑白門青野款蹕贄于仙闈將  
使率土蒼生鎮昇仁壽之域普天黔首永蹈淳古之源崇慶越



於兩儀景運踰於萬劫屬以冕旒多暇物色徬求瞻江漢而載  
懷詠林泉而興想欽風味道恨不同時古往今來撫運化而雖  
寂德崇業著眷沖漠而猶存寤寐遺塵有兼前烈瞻言勝軌歎  
伉唯深今故于彼度人常滿七七各兼衣鉢錢二百貫絹二百  
匹蘇參拾斛繡像織成像新舊翻譯一切經一藏并幡華等物  
憑幽尋之曩跡光顯德門託嘉遁之名區追崇仁里就福宇而  
延福卽祥基以締祥冀緣金囿之遶近叶珠囊之耀所願道因  
法岸契果禪林九鼎與元極同安七廟與紫微同固總三千之  
淨土竝沐薰歌馨百億之恒沙長爲壽算鐵圍之所苞括玉燭  
之所照臨長餐六氣之和俱藻一音之聽夫象以畫意意非象  
而不申言以會情情非言而不暢是以發揮二締宏演四依迴  
託蓮花之峯遙刻芝英之字庶海乘頻變孤超奔岳之碑城芥

履空獨跨稽岑之篆式陳茂實乃作銘云

江甯金石記卷二

四

悠悠法界總總含生輪迴欲海起滅身城俱安大夜共習無明  
愛塵岳聚毒樹雲平其一邈矣遍知超然獨悟遽乘五演高披六  
度大空善說中天巧諭引彼迷途歸之覺路其二猗歟淨行育彩  
昆田遠將珪組代著忠賢戒支宿習種智斯圓棟梁三寶薰修  
四禪其三爰始筮賓薛蘿攸整蹈海沈跡棲巖滅影天地構屯干  
戈平警北林冈庇南轅載騁其四翻飛澤國歷孝山圖言瞻碧磴  
自韞元珠回峯架室枕壑通衢鱸庭廣跨馬帳宏敷其五同氣相  
求善鄰遙託道符久敬心均常樂對闢金園竝疏銀閣宿停帝  
馬巒歸梵鶴其六空分瑞塔地積香臺珂月霄暎珠雲旦來千光  
霧起七淨震開谷邊飛錫澗下乘杯其七桂嶽參差松亭隱藹石  
壇照錦瑤泉瀉籟岫接香鑪峯承寶蓋翔鳧演法毒龍銷害其八



梵宮既啟海福長深噬旭忘穴飛鴉革音羣生普戴奕祀同欽  
不有高節甯符宿心其九負辰多閑聞風逖想茂軌遐劭清暉遽  
往位契業于圓明翼崇緣于方廣鏤飛篆于曾岳齊勝基于穹  
壤其  
十

右碑在棲霞寺高宗御製文朝議郎行左金吾衛長史  
侍相王書臣高正臣奉勅書朝散大夫守太子洗馬王  
知敬篆額上元三年歲在景子四月戊戌朔廿五日壬  
戌建按劉昫舊唐書云明崇儼累遷正議大夫每因謁  
見徹假以神道頗陳時政得失帝深加允納潤州棲霞  
寺是其五世祖梁處士山賓故宅帝爲製碑文親書于  
石論者榮之今碑乃高正臣書劉昫蓋以御製并譌爲  
御書耳據碑捨宅爲寺乃僧紹第二子仲璋而史稱山

江甯金石記卷二 五

賓故宅且山賓仕梁通顯沒贈侍中既出矣何以復稱  
處士此唐書之誤顧甯人朱竹垞皆因之而未參核也  
碑文以窺奧作窺與抗迹作杭迹啉作啉層蠟作曾蠟  
以三十作叁拾桑作乘平作平罔作罔碑陰刻正書棲  
霞二大字又無量殿旁有正書石碣一惜剝蝕太甚莫  
能辨作者姓名因中存大唐上元歲數字故附于此

瀨水上古貞義女碑銘 并序

皇唐業有六聖再造八極鏡清萬方幽明咸熙天秩有禮自太  
古及今君君臣臣烈士貞女采其名節尤彰可激清頹俗者皆  
埽地而祠之蘭蓂椒漿歲祀罔缺而茲邑貞義女光靈翳然埋  
冥古遠琬琰不刻豈前修博達者爲邦之義乎貞義女者深陽  
黃山里史氏之女也歲三十弗移天於人清英潔白事母純孝



手柔莢而不龜身擊漂以自業當楚平王時平王虐忠力讒苛  
虎厥政芟於尚靳於奢血流于朝赤族伍氏怨毒之于人何其  
深哉子胥始東奔勾吳月涉星遁或七日不火傷弓于飛逼迫  
于昭關匍匐於瀨渚捨車而徒告窮此女目色以臆授之壺漿  
全人自沈形與口滅卓絕千古聲凌浮雲激節必報之讐雪誠  
無疑之地難乎哉借如曹娥潛波理貫於孝道聶姊殞肆槩動  
於天倫魯姑棄子以卻三軍之眾漂母進飯沒受千金之恩方  
之於此彼或易耳卒使伍君開張闔傾蕩郢郢吳師鞭屍於  
楚國申胥泣血于秦庭我亡爾存亦各壯志張英風於古今雪  
大憤於天地微此女之力雖云爲口口之士焉能咆哮烜赫施  
於後世也望其溯所愴口伍迴而不能去每風號吳天月苦荆  
水響像如在精魂可悲惜其投金有泉而刻石無主哀哉邑宰

江甯金石記卷二

六

滎陽鄭公名晏家康成之學世子產之才琴清心閑百里大化  
有若主簿扶風竇嘉賓縣尉廣平宋陟南朝陳然丹陽李濟清  
河張昭皆有卿才霸略同事相協緬紀英淑勒銘道周雖陵頽  
海竭文或不死其詞曰

粲粲貞女孤生寒門上無所天下報母恩春風三十花落無言  
乃如之人擊漂清源碧流素手滎波潺湲求恩不可秉節而存  
伍胥東奔乞食於此女分壺漿滅口而死聲動列國義形壯士  
入郢鞭屍還吳雪恥投金瀨汜報德稱美明明千秋如月在水

石碑在溧水前翰林院內供奉學士隴西李白書筆力

道婉有矜莊嚴肅之象無建立年月張鉉金陵新志云

係宋淳熙五年重刻今碑末未署此語而有前進士晉

江徐縉芳跋云太白此文興起千載余旣建貞女廟於



伍廟之東乃從雙橋索得舊碑置于祠左嗟乎世間多  
少奇男子何如平陵一女人忠孝節俠之士不能不以  
之增慨云

奉詔立放生池碑記

昔殷湯克仁垂一面之網漢武垂惠致含珠之報流水救涸寶  
勝稱名蓋事止于當時尙介社于終古豈我今日動者植者水  
居涸居舉天下以爲池罄域中而蒙福乘陀羅尼加持之力竭  
煩惱海生死之津揆之前古曾何髣髴

乞御書天下放生池碑額

臣某言臣聞帝王之德莫大於生成臣子之心敢忘于讚述臣  
去年冬任昇州刺史日屬左驍衛左郎將史元琮等奉宣恩命  
于天下州縣臨江帶郭處各置放生池始於洋州興道訖于昇

江甯金石記卷二

七

州江甯秦淮太平橋凡八十一所恩霈動植澤及昆蟲發自皇  
心徧于天下歷選列辟未之前聞海隅蒼生孰不欣喜臣不揆  
愚昧輒述天下放生池碑銘一章又以俸錢于當州採石兼力  
拙自書蓋欲使天下元元知陛下有好生之德因令微臣獲廣  
昔賢善頌之義遂絹寫一本附史元琮奉進兼乞御書題額以  
光揚不朽緣前書點畫稍細恐不堪經久臣今謹據石擘窠大  
書一本隨表奉進以竭臣下悽悽之誠特乞聖恩俯遂前情則  
天下幸甚豈惟愚臣昔秦始皇暴虐之君李斯邪詔之臣猶刻  
金石垂于後代魏文帝外禪之主鍾繇偏方之佐亦于繁昌立  
表頌德況陛下以巍巍功業而無紀述則臣竊恥之謹昧死以  
聞伏增戰越

肅宗御答



朕以中孚及物亭育爲心凡在覆載之中畢登仁壽之域四靈是畜一氣同和江漢爲池魚鼈咸若卿慎徽盛典潤色大猷能以懿文用刊樂石體含飛動韻合鏗鏘成不朽之立言紀好生之上德唱而必和自古多之情發于中子嘉乃意所請者依

按周應合景定建康志云今秦園之側府學之東卽古放生池蓋當時八十一所之一也右碑行書在城內鷺峯寺前寺乃江總舊宅明天順閒始改爲寺寺後陂塘數畝茶隴千畦與蓮池蘭扁分青映綠偶憶宋馬光祖詩云江家宅畔成花圃東府門前作茶園誠實錄也表云臣去年冬任昇州刺史按魯公年譜事在乾元元年本傳僅書任蒲饒二州可以補史之闕

顏魯公送劉太冲序

江甯金石記卷二

八

城之華望者也自開府垂明於宋室澤州考績於國朝道素相承世傳儒雅尙矣夫其果行修潔斯文彪蔚鄂不昭乎移華龍驥驥乎雲路則公山正禮策高足於前冲與太眞嗣家聲於後有日矣昔余作郡平原拒口口而清與從事掌銓吏部第甲乙而超升等第爾來蹉跎猶屑卑位雖才不偶命而德其無鄰故冲之西遊斯有望矣江月弦魄秦淮預潮君行句谿正及春水最哉之子道在何居

右顏魯公帖按番本迺送劉太冲敘也併及其仲氏太眞新舊唐史文藝有太眞傳不紀其與伯氏繼登天寶上第文集三十卷見館閣書目墓在縣北號柘塘神市八月有祭禱必應溧陽人尤神之神道碑裴度撰蔣潼書昔曾易置丞廨旋轉縣齋援到官初得之縣庖下僅



存三百七十有九字同郡李兼經從相與起敬鄉賢出  
其家藏顏帖再摹入石并斷碑匣置廳壁敘言彭城華  
望以劉於此邑爲著封姓姓纂云宣城陳留是也開府  
澤州公山正禮表其先世也平原從事銓部甲乙顏常  
汲引冲也蹉跎卑位悼其窮也句谿春水此邑時屬宛  
陵也鄭薰北望樓記言元載貶顏夷陵別駕後遷廬陵  
刺史道出蒲塘有左伯桃詩第序腦亡太冲彭三字考  
汝越帖亦然莫可補闕云慶元己未上巳宣城戴援跋  
邑人秦壩書額

按劉體仁識小錄云右敘眞蹟在合肥王思齡家董文  
敏評其書鬱屈瑰奇于二王法外別有生趣今視此刻  
石與董評不合然石刻視眞跡自不無少異其轉抑精  
神處有非摹勒之功所能盡者若再事經庸手不識其  
用筆之道以致毫無神采

造象記

大唐先天二年九月十二日僧定九僧元朏僧義隆僧惠澈僧  
眞定等奉爲皇帝皇君及師僧父母法界有情敬造阿彌佉像  
一鋪 大近趙守忠 造浮屠近蘇則

右造象記正書向在山東滋陽隆興寺壁間中鑿爲龕  
刻象五軀四周題字孫淵如觀察以俸錢十千購得今  
存江甯孫忠愍公祠內并云此刻石書匠作近因悟尙  
書汝有戕則乃心二體石經作近或是近則匠卽戕假  
音也至后作石不合六書之正鋪廣韻鋪設也陳也李  
邕大雲寺碑累聖克念今設象三鋪猶今恒言一座也



觀錄金石自丁酉後不復再有所見因亟錄之至祠中  
法物二十餘品已詳先生所著商周彝器錄茲未更載  
寶誌禪師像讚

水中之月了不可取虛空其心寥廓無主錦幪鳥爪獨行絕侶  
刀齊尺梁扇迷陳語丹青聖容何住何取

右寶公像碑額篆書普濟一真吳道子畫

建康志作梁張僧繇畫

李太白讚顏真卿正書世稱三絕在靈谷寺原石毀于  
明成化間此係後人重刻寶公所著十二時歌未錄

唐茅山紫陽觀元靜先生碑

有序

道門華陽亦儒門之洙泗蓋元化振於此也白日登昇有西漢  
茅氏兄弟隱景遁化有東晉許氏一門襲明沖用以闡道風有  
梁貞白先生唐元靜先生開元中元宗禮請尊師而問理化對

江甯金石記卷二

十一

曰道德經君王師也昔漢文帝行其言仁壽天下次問金鼎對  
曰道德公也輕舉公中私也時現其私聖人存教若求生狗欲  
則似繫風上悅因加元靜之稱無何固以疾辭東還句曲先生  
諱含光本姓宏則天諱宏改爲李氏孝威州里号貞隱先生  
家本醇儒晉陵人也夫性與道妙則真有運無古之學者離有  
得有不外歎馳景而內觀馳心不遠望化金而近思化欲今之  
學者多見反是若乃行于眞理窅然觀妙先示正性發明宗元  
則元靜其人也年十三辭家奉道端視清受慈向蠢類閭室之  
中如對君親時人見之性情皆斂幼工篆隸或稱過父一聞此  
議終身不書所撰仙學傳記闕遺備載又論三元異同著眞經  
及本草音義而皆精詳祛惑窮理于學如鐘蘊聲其後師事華  
蓋峯司馬君雲篆寶書傾囊傳授旣而目之曰眞玉清之客抱



虛元而行功者與道不窳託幽阜而滅迹者於德亦淺承之自遠宜圖救人于是引後學昇堂稟元訓也先生元氣不散瑤圃虛映達靈已久晦曜爲常動非用開靜非默閉當吹萬之會若得一之初應跡可名常道不可名也羣蒙求我豈勞言說孕育至化虛融物心心一變至于學學一變至于道同淑氣自來得之不見所以握衣而進無有遠邇仰範元和茂姿全性者若秋芳之依層巘夏潦之會通川也先生忘情于身而慈于人禎祥屢應視同衆象士庶諮詢色授其意常令章壇開院醮火擇新精微誠敬率皆此類曩者天書繼至務欲尊崇及公卿祈請信無虛月卒使元門之中轉見真樸標持慈儉之寶歸羲皇之風至矣哉我師教也大歷四年冬十一月願謂入室弟子道士章景昭孟湛然曰吾將順化神氣恬然若坐忘長往時年八十七

江甯金石記卷二

十一

靈雲降室執簡如生據真經斯迺秉化自由仙階深妙者也門人等以爲醴泉之味飲者始知我師之道學久方見願敘真宗以示于彼忝曾遊道敢述元風文曰

古有強名元精希夷黃帝遺之先生得之縱心而往與一相隨真性所容太无同規日行仙路不語到時人言萬靈我見常姿元宗仰止徵就京師紫極徒貴白雲不知遐方後學來往怡怡空有多門真精自持委順而去人焉能窺元科秘訣本有冥期

右碑行書秘書郎河東柳讖撰大理司直張從申書李

陽冰篆額大歷七年八月十四日建碑毀于嘉靖甲寅

之後搨本近稱難得余家所藏乃願公東橋舊物觀其書法神采照映玉粟珠圓安得好古者重鉤勒石以廣

其傳哉



潤州上元縣福興寺碑 并序

維□□□□兩儀維生人首于萬物物本于道道行于人人資于教物本于道者姑肯務德乎道資于教者姑肯崇德乎夫教始于儒中于道終於釋釋之時義大矣哉空寂爲形慈悲爲用

生死爲苦涅槃爲樂缺二詢夫異兆漢后夢夫眞儀越自西天傳諸東夏所以九圍之內□□六服之外像法流衍元風振揚

四千二百甲子於茲矣天寶之季乾柱窳折坤維窳裂有爲兇渠始亂河朔有生逆節乘疊江淮乾元中暴兵至于金陵蹂躪

閭閻殘□寺觀鞠爲瓦礫者福興首之福興寺梁大同二年之椒建也本于塘浦之東遷于銀湖之北中更一徙以襲其初傳

記缺遺莫詳歲月嗟夫昔穢國盡燒我淨土弗毀惠眼之觀矣今精廬斯壞我法侶無歸凡目之取矣有禪師德號道融本姓

江甯金石記卷二

樓東陽義烏人也肅宗皇帝龍飛朔方大赦天下改元爲至德每寺度人以蕃王室時潤州刺史兼御史大夫江南東道節度處置使京兆韋公陟俾屬城大德咸舉所知禪師行業精修法門之中哀然爲首遂正名僧籍而第于福興焉初入牛頭山謁第六祖忠大師遽受密印而爲上足大師三昧之主四支之尊攝心無涯定力無等首施錢三十萬謂禪師曰可□其福□□其安樂禪師跪奉命乃初請之邑再請之州州伯邑長僉諧懇願大唐上元二年龍集辛丑季秋月旬有九日遂移其舊額肇

其新居于天竺之山爲眞寶地也天竺在故寺東南七里名符佛國山則我鄉此蓋有開必先陰隲靈鷲禪師嘗讀教典至千

二百五十人俱因之而言自當直多徒亦堪集事遂□此數以哀其人人錢三緡共成法相行檀如水品物如山未盈旬時我







景瑞匪朝伊夕五鬢若地神之定矣三虎禦衆神之命矣二本  
不奪神之正矣一泉忽蠲神之淨矣靈芝三秀口谷口山祥蓮  
合房于沼于泚造門之女歸而不宿遊方之人投而弗禁祇災  
起念而自珍危懼歸心而必釋禪師之道惡可倪也禪師之德  
惡可口也演慈悲之化降淫慝之神皆建廟立祠血食不絕近  
云百祀遠謂千齡大則犧牛之薦小則特豚之禱以日以月以  
時以節弗敢矯誣不使口口口墉屹然灌木梢天但得而遵何  
繇而殛禪師以爲修道之本在於利人從人之欲可謂除患乃  
詣其口口視諦觀以日繫夕身心彭一或呈醜相未覩睟容或  
口口口無何稽首恙與受菩薩淨戒而度脫之斬陰斬陽以爲  
梵宇取彼居室寘之金仙寂寥而無事矣城邑聚落數百里間  
巫風遂消佛道斯長口口主之教與繁禪師之力歟二相交修

江甯金石記卷二

古

一體互用不然者則何以元通妙感而若是乎予耳聆嘉聲目  
覽懿跡迺知宏聖道者誰能慮始初僧坊者缺五王公大人豪  
富長者國當全盛家有貨財口口以更口口存亡積口口年紀人則  
盡瘁事或蕞殘口口口立禪門獨行世界時遭多難道弗屢  
空口口口而百福自開宴坐而萬緣斯湊不七八稔指顧皆成  
輪才乎而奐才乎而若夫經始之善人屋宇之口數紀于碑陰  
之上庶千劫炳然而可口其辭曰

曰立匪易口相匪難既觀人宏揚波導瀾淵淵我師體空行端  
經以精舍粲以林巒其宇伊何維旃維檀其飾伊何維浪與口  
耀耀華彩峩峩鬱盤閔陰迪陽口暑口寒世界匪廣渤澥匪寬  
景于是萃思于是殫甘露之門淨口以餐股若之口口心以安  
石挾大江左馳長千靄若山青艷若霞丹磳口口口不刊



追琢斯文億載口觀碑末刻城陽  
吳光道鑄

右碑正書在江甯銅井村尚書金部郎中兼侍御史上

柱國潁川許登撰大理評事張從申書并題額大唐大

曆五年歲次庚戌六月一日壬辰建戌戌仲秋登天竺

山徘徊碑下惜文之首尾為風雨剝落撰文姓氏及立

碑年月皆不可辨觀所藏舊拓亦損去撰碑人名證之

以復齋碑錄始知為許登之作若非見賞于前人則許

氏之名不彰於後世矣武德九年上元改屬潤州故碑

題云潤州上元碑末署城陽吳光道鑄吳集韻音頌鄭

樵通志載吳氏兄弟四人各分一姓曰吳守墳一避難

徐州姓吞一居幽州姓桂一居華陽姓焮四字皆古惠

切九畫一音漢太尉陳球碑陰有城陽吳橫光道蓋其

裔也  
江甯金石記卷二  
五

### 唐紫陽觀鐘

維唐大曆十四年歲次己未九月戊辰朔十五日壬午潤州金

壇縣諸里村將仕郎前宣州溧水縣尉賀裕等六十餘戶共鑄

洪鍾一口用銅一百七十斤永充供養又一行者徐恬行云茅

山紫陽觀靈寶院又一大匠周廉

右鐘舊在玉晨觀不知何時移置句容城南關廟內後

有宋人題識云崇甯甲申中元日奉旨改玉晨觀以崇

甯萬壽宮為額住持黃澄唐識已將摩滅細視之猶隱

隱可辨爰亟錄之寄致同好

### 有唐茅山元靖先生廣陵李君碑銘并序

先生姓李諱舍光廣陵江都人本姓宏以孝敬皇帝廟諱改焉



廿一代祖宏江夏太守避王莽徙居晉陵遂爲郡人高祖文嶷  
陳桂陽王國侍郎曾祖榮皇朝雷州司馬祖師龕隱居以求其  
志徙於江都父孝威博學好古雅修彭聃之道與天台司馬練  
師子微爲方外之交尤以篤慎著於州里考行議諡曰正隱先  
生母琅邪王氏賢明有德行先生孩提則有殊異晬日獨取孝  
經如捧讀焉髫髻好靜處誦習墳典年十八志求道妙遂師事  
同邑李先生遊藝數季神龍初以清行度爲道士居龍興觀尤  
精老莊周易之深趣執喪過哀不嘗甘旨之味食唯穢麥而已  
封植膳羞皆出其手號毀骨立親族莫不傷之開元十七年從  
司馬練師于王屋山傳受大法靈文金記一覽無遺綜覈古今  
該明奧旨元宗知先生徧得子微之道乃詔先生居王屋山陽  
臺觀以繼之歲餘請居茅山纂修經法頻徵皆謝病不出天寶

江甯金石記卷二

天

四載冬乃命中官賞璽書徵之既至延入禁中每欲諮稟必先  
齋沐他日請傳道法先生辭以足疾不任科儀者數焉元宗知  
不可強而止先生嘗以茅山靈跡翦焉將墜真經祕籙亦多散  
落請歸修葺乃特詔於楊許舊居紫陽以宅之仍賜絹二百疋  
法衣兩副香鑪一具御製詩及序以餞之又禁于山側採捕漁  
獵食葷血者不得輒入公私祈禱咸絕徃牢先生以六載秋到  
山是歲詔書三至渥澤頻繁輝映崖谷初山中有上清真人許  
長史楊君陶隱居自寫經法歷代傳寶時遭喪亂散逸無遺先  
生奉詔搜求悉備其跡而進上之先時元宗將求大法請先生  
爲師先生意執謙沖疾辭而退洎七載春元宗又欲受三洞真  
經以其春之三月申書賞璽書云其月十八日尅受經諾是日  
於大同殿潔修其事遂遙請先生爲元師迸賜衣一襲以申師



資之禮因以元靖爲先生之嘉号焉仍詔刻石於華陽洞宮以誌之是歲夏五月隱居先生合丹之所有芝草八十一莖散生于松石之間詔俾先生與中官啟告靈仙緘封表進夏又詔以紫陽觀側近二百戶太平崇元兩觀各一百戶竝蠲其官徭以供香火秋七月又徵先生既至請居道觀以養疾九載春辭歸舊山其年夏六月前生靈芝之所又產三百餘莖煌煌秀異人所莫覩先生又圖而奏之是歲冬又徵先生于紫庭別院館之十載秋先生又懇詞告老御製序詩以餞之十有一載先生奉詔與門人章景昭等于紫陽之東鬱岡山別建齋院立心誠肅是夜仙壇林閒遍生甘露因以上聞特詔嘉異初隱居先生以三洞眞法傳昇元先生昇元付體元先生體元付正一先生正一付先生自先生距于隱居凡五葉矣皆總襲妙門大正眞法

江甯金石記卷二

七

所以茅山爲天下道學之所宗矣於戲是非可齊也物我均焉生死可忘也覺夢同焉如此者何域心於變化之際哉先生以大厯己酉歲冬十一月十有四日遁化于茅山紫陽之別院春秋八十有七其十二月八日門人赴喪而至者凡數千人號奉冠寫遷窆于雷平山之西陲遺命以松棺竹杖木几水瓶香奩香鑪置于藏內門弟子等仰奉嘉猷克遵儉德先生識思眞淳業行高古道窮情性之本學冠人天之際所以優遊句曲鬱爲王者之師出入明廷特寵肩輿之費是以順風而問答稱于黃帝望山而請今見于元宗矣又博覽羣言長于著撰嘗以本草之書精明藥物事關性命難用因循著音義兩卷又以老莊周易爲潔淨之書著學記義略各三篇內學記二篇以續仙家之遺事皆名實無違詞旨該博初先生幼季頗工篆籀而隸書尤



妙客或賞之云賢于其父因投筆不書元宗詔山人王旼強請先生楷書上經一十二紙以補揚許之闕先生能于陰陽數術之學而不以藝業爲能極于轉練服食之事而不以壽養爲極但冥懷素朴妙味元津非夫博大之至人孰能盡于此眞卿乾元二年以昇州刺史充浙江西節度欽承至德結慕元微遂專使致書于茅山以抒誠懇先生特令韋練師景昭復書于眞卿恩眷綢繆足勵超然之志然宗師可仰望紫府而非遙王事不遑寄白雲而攸遠洎大厯六年眞卿罷刺臨川旋舟建業將宅心小嶺長庇高蹤而轉刺吳興事乖夙願徘徊郡邑空懷尊道之心瞻望林巒永負借山之記而景昭洎郭闕等以先生茂烈芳猷願銘金石乃邀道士劉明素來託斯文眞卿與先生門人中林子殷淑遺名子韋渠牟嘗接采眞之遊緒聞舍一之德敢

江甯金石記卷二

六

強名於巷黨曷足辨於鴻蒙其詞曰

抱一混茫人之紀綱先生以之氣王神強乃啟元旨元門以彰乃爲帝師帝道惟康甘露呈瑞靈芝效祥上士云感高風再揚鶴返仙廟雲辭帝鄉遐歸而老妙識行藏德本無累道心有常實曰形解孰云坐忘伐石表墓勒銘傳芳谷變陵遷厥跡弥光

碑未刻渤海吳崇休鐫

右碑正書已碎金紫光祿大夫湖州刺史上柱國魯郡

開國公顏眞卿撰并書大厯十口季夏五月建在玉晨

觀觀乃高辛時九宮司保上公眞人修煉地陶隱居葺

爲朱陽館唐太宗時更名華陽觀元宗時更名紫陽宋

祥符初始改今名觀於嘉靖三年遭鬱攸之厄碑殆毀

於其時己亥冬十月六日錢宮詹竹汀先生謁茅山將



碎碑聚置一處得二十一枚存千五百餘字章淮樹太守欲仿孫莘老墨妙亭意建寶顏齋於斗姥宮側宮詹爲文記之墨林稱快事焉太守并藏有宋初拓本較觀之所藏多二百許字洵可寶也觀所藏本後有行書跋云紹興丁巳五月十有四日大風折顏碑雲谿沈作舟扶起之今竝此本亦爲難得碑中所稱隱居先生陶宏景也昇元先生王遠知也體元先生潘師正也正一先生司馬子微也元靖父私謚貞隱碑作正隱蓋魯公避

家諱爾

華陽三洞景昭大法師碑

并序

夫載宇宙懸日月提萬象而首出者其惟道乎夫通聖神該品彙冠百靈而獨立者其惟人乎道所以包渾元經始萬象者也

江甯金石記卷二

九

人所以稟涪粹司會百靈者也故人因道而集祉道因人而垂休不宰之功兆乎造物無言之德洽乎生民然後蕭散乎汗漫之間沖融乎希夷之表與天籟而吹萬竝谷神而長存者矣紫陽眞人大法師諱景昭字懷寶本丹陽延陵人也其先系自顓頊大彭之後在虞爲陶唐氏在夏爲御龍氏在商爲豕韋氏因國命氏芬馥蔓延以至于裔孫孟孟爲楚太傅賢爲漢丞相昭入吳爲侍中昭兄慎爲司空法師卽吳司空之十六代孫也司空薨葬于延陵子孫因而家焉祖道會父思葳皆邱園養素道高跡隱載于列仙之傳法師方口稟異自幼表奇孕元和之粹靈體太元之妙質初以素書發跡配度于延陵之尋仙觀後以丹臺著稱隸居于長安之肅明觀屬元宗廣成問道姑射頤神放心于凝寂之場垂拱于穆清之上法師因得羽儀金籙頡頏



玉神藉藉京師垂廿載爰辭上國思還故鄉重隸茅山之太平  
觀天寶中與元靜先生奉詔修功德造紫陽觀因而居焉遂於  
煉丹院傳黃素之方修齋醮之法祥雲瑞鶴飛舞於壇場甘露  
神芝降生於庭院初法師師事大法師包士榮榮師事崇元觀  
道士包法整整師事上士包方廣廣師事華陽觀道士王軌軌  
師事昇元先生王遠知知師事華陽隱居陶宏景自道元錫派  
元教傳宗玉堂銀闕之人羽蓋毛旌之客府無虛籍代有其徒  
師至行稽乎元化通識合于靈造與其有也萬物不得而不有  
與其無也萬物不得而不無得喪以春秋爲死生盈虛以天地  
爲旦暮雲外虎頭之佩雪中鶴氅之裘孩季通而撫子元師仇  
公而祖黃太教戒示乎傳授服餌見乎延長侍杖屨者跡徧于  
江湖傳經錄者事同乎洙泗一居山觀三紀于茲還神契乎時

江甯金石記卷二

三

來寂魄同乎物故以貞元元年十一月癸卯委蛻于紫陽之道  
場顏色怡悅屈伸如常春秋九十有二以其月己酉遷神于雷  
平山之西原元靜先生壽宮之左傳授蘇州龍興觀道士皋洞  
虛得沖虛之妙用躡上真之元蹤梁市之客胥來華陽之人閒  
出矣道士韋崇珣主修齋醮祭俯仰節度道士朱惠明掌法錄  
經書修真秘訣法師上編仙籙傍契道樞神含渾元德與淳粹  
誘進羣動感通衆靈邈然非寰宇之間超然在風雲之表至如  
身纏世故跡混俗塵發忠孝以飾躬演信義而旌行蓋隨時而  
不器豈常道之可師歟浙江東西節度度支判官檢校尙書兵  
部郎中兼侍御史扶風竇公曰泉布武區中棲心象外與法師  
聲同道韻理契道源追往想琴高之祠傳神著務光之傳見徵  
副墨用琢他山其詞曰



惟道之大提功混茫惟人殆庶與道迴翔素韻凝寂元功靈長  
肇形無跡啟迪逾光矯矯法師錫羨華陽本族命氏在虞系唐  
御龍事夏豕韋居商巖然靈表自幼而彰理冠容城質侔夏黃  
尋仙發迹肅明始揚宵禮金殿晨朝玉皇丹臺道侶白雲帝鄉  
楚山萬里故國丹楊醮宮鳴磬齋室焚香芝生庭院鶴舞壇場  
茅君秘洞葛氏眞方來時去順齊彭洎殤化鱗風翥委蛻雲驥  
峯巒遷迤松桂蒼蒼塵生杖履苔染巾箱龍銜彩旆虎綴槃囊  
闔風元圃瑤軒玉堂追存如在頌德不忘孤石巍然萬古連岡  
碑末刻太平觀道士徐元沼道士許長久徐則內行克修  
外通儒學許則宿推公幹凌奉眞宗清河張伯倫刊字

右碑正書朝議大夫檢校國子司業兼御史中丞吳郡

開國男陸長源撰朝議大夫尙書兵部郎中兼侍御史

上柱國寶泉書并篆額貞元三年獻春之月上元之辰

江甯金石記卷二

三

建造在王晨觀按泉字靈長著述書賦七千六百四十

言精窮旨要故此碑書法端凝而有風骨洵藝林之墨

寶也碑側有錢端英紹興壬午閏月及淳熙甲辰四月

題名

大唐潤州句容縣大泉寺新三門記

并序

句曲之東實曰崙峯居峯之陽厥生大泉寺因泉而題焉後劉  
宋開明二年有邑令顏繼祖捨宅移寺南去泉五里而遙年代  
審遠碑記埋沒初所詳者乃顏氏十三代孫今寺之惠誠也大  
和初監寺僧惠明與寺僧道琳等見三門破壞乃言于衆曰此  
教東流設像爲法牢落如是瞻仰何依乃請今寺主僧常誼昔  
旅于是者戮力誓心募緣祈化如響斯應人咸歸之遠近趨走  
投施委積算財度費用果足乃革舊制恢新謀延袤縱廣中



闕無改自大和庚戌至于癸丑凡七年厥功告成崇軒峩峩三  
闔其門飛簷翼張丹拱霞煥矧茲寺以重崗疊嶺深入崖谷林  
樹蔥翠煙蘿蒙密雲收霧捲宛若仙闕俾得道者同指歸于覺  
路由徑者詎深著于迷途非我師之志誠其孰能逮於此今天  
下學佛道者多宗旨于五臺靈聖蹤跡往往而在如吾黨之依  
於口邱門也誼本鄭人冠歲因往遊焉遂剃髮于五臺金閣寺  
元和再歲乃於渭州龍興寺依年具戒振錫徑行見色相之皆  
空識衣珠之無價又六年始到江南初止于近寺蘭若其明春  
又之嶺南詣禪訪道酌水步雲心契如期不遠千里十一年還  
至茲寺初寺每有僧俗大會五千餘衆號曰龍華常患錡釜之  
器不周于用物有所闕人多告勞誼乃發願鑄一大鑊求布金  
之長者得豁鎔範之良工歸依一念之間成就堅牢之質澆落

江甯金石記卷二

有用碩大無朋使天人畢會于龍花香積普沾於法味由此故  
也寺衆僉曰誼實有力於寺者非宿習德本沾諸善緣豈能誘  
掖羣心終成善捨大和初歲乃聞諸府邑請隸名焉繇是三門  
薦興功致一貫則誼之行業前修推可鏡矣人有語予于師爲  
文者誼因錄所事請識門焉口寺之備新記詳矣辭曰

寺之興大泉是生鬻沸猶在旣温且靈寺之移顏氏之基宗室  
舊邑棄野離離寺之終誼實是工大鼎渠渠三門崇崇煙霞棟  
梁松桂香風周匝巖壑警迷其鐘文入于石播之無窮

碑未刻  
記句當

功德主寺主僧常誼  
西河郡戀宏慶鐫

右碑正書鄉貢進士姚暮撰沙門齊操書開成三年歲

次戊午十一月己卯廿六日庚辰立大泉寺在句容東

北五十里碑因寺立不知何以置于崇明寺內碑云劉



宋開明二年按劉宋紀元無開明年號蓋緇流傳聞之  
誤而暮遂未深攷耳碑額泉從漢小錢作泉亦不合六  
書之正

張孝子祠殘碑

行勸令飲行之憂匪唯一日三兄之賢非四雖庸愚備知盛美

竊五行佑我唐篤我張君令名是揚六行志行不忒節彼高墳巍然

如岡七行州眞甯縣勑立八行莫三載人到□□□稱之吳郡張生

行其道佞戾者爲之恭恪悖謾者爲之□□□稱是務於今

□□御史諱□□爲清時□□十一淮泗大君之□文人之嘉十二

行□親愛以順處交朋友以信□師知十三□喟然歎息□□

出琴十四行惟孝友有□□乎於君十五傾之□百□光十六乃

立貞石人口是昭是末行朝□郎潤州句容縣令呂倕□奉義郎

江甯金石記卷二

三

行承碑側一行云一句容頌副史裴斌錄二咸通十

右碑正書石已殘缺在句容義臺孝子名常洧有廬墓

之行集古錄中有其碑目今已不存此碑殆建中時縣

令呂倕所立故中有其名碑側又有咸通時題名也

崇明寺殘碑

缺口乾符四年九月內結戒依舊從三門中限向□二行字成

後籬西北角爲界轉北止寺門東三行闍梨唱相都維那僧下

行四寺徒衆僧具法名下缺五行思誠思謙惠誠可下缺紹疑元爽清

皎下缺七行口義聰子下缺八行處甯惠下缺九行賢志下缺

右碑已殘臥于寺內墀下只存七十六字讀其文蓋紀

界阼之四至有僖宗年號據此知爲唐碑

崇明寺石幢二通



尊勝陁羅尼經 文不錄

右石幢二通在句容崇明寺大殿後東西相對一漈漫  
一立于中口口口年十月後題重修功德主姚口徐弁  
陸則願茲唐物志乘未有及之者豈因在耳目之前而  
轉忽略耶

江甯金石記卷二

蓋



轉忽略耶

刻俱顯茲唐物志乘未有及之者豈因在耳目之前而

轉忽略耶



江甯金石記卷三

冶城嚴觀子進輯

南唐

治平寺殘碑

首行 晉水齊雲山末釋行虎踞小之則鳳峙鸞翔皆崇以口佛

宮盡立行三元之形尙在靈泉湧灌千頃之田園異樹婆娑

廡行乎遇以會生草茅漸沒國家祈禱徒瞻瓦礫之場行四民

樂矣五教隆焉咸詩堯舜之風盡詠禹湯行人多舉意則有檀

那衆戶同連款狀共詣府門行崇作今來之金地仍領威嚴帖

牒老選公幹主行上人之謂歟口謙大德道行清高心懷澹寂

雄經大行僉諧已斯主縮公卿仰慕緇素傾瞻安公上人神行

無意遊行精舍伽藍有心建立於是師長委之匡構行緣言

諭逐分注題构殿斂資金貿易材行桷爰從保大三年起首

江甯金石記卷三

迄于四載興功變行三柈向夕陽而似哈雲霞當朝旦而如啗

露霧金仙耀日行十四之猿聲響亮泉池寫漢時時之月色晶明

疑從天上之移行十五目諧住止迴以精勤廣召信人深嚴佛事

修生前之福善結行十六人莫委元由之事須躋貞石以鏤清名

契恩內典口虛莫究行十七詣以蕭宮纔申攀謁之儀便沐周隆

之禮尋垂口請弗可行十八為銘曰大哉皇覺廣應人文教敷妙

旨法演幽元化行十九口口然口傾各變形質為石堅貞四方祈

雨八表揚名天口宋代有此行二十唐昇元歲末保大惟新地欲

興發果得其人

右碑正書僅存中一截砌於本寺之壁按復齋碑錄云

釋契恩撰并書篆額保大八年庚戌六月二十八日建

碑內云宋代有此初不能解及閱元僧伯元撰重修佛



殿碑始知寺建自劉宋滎陽王義符景平元年廢于會昌之際昇元保大間重加修造者也碑後列男九十女二十九蓋紀當時出錢修寺之人女氏錯列于男子之中與大安寺鐵香鑪題名正同使秀水朱氏見之又當

譏爲丁口無別矣

茅山紫陽觀碑銘

并序

臣聞太初之氣其生也無始衆妙之門其本也無名積而成形散而爲氣乾坤運之而兩儀位王侯受之而天下貞是故斷鼇鍊石之功絕地通天之業衣裳軒冕之后干戈揖讓之君雖復遭罹異塗步驟殊致莫不協契于神明之域飲和于道德之原廣無爲之爲執無象之象万物恃生而不有百姓日用而不知其迹也則格天光表化人而成俗其本也則收視返聽全真而

江甯金石記卷二

二

養身至其玉檢登封蘿圖啟後游神象外脫屣區中鑄金鼎而乘白雲登寒門而立元極闕宮清廟式嚴觀物之場玉洞金壇別啟下都之所由是靈符綜集眞錄歧分三元八會之文潛通髣髴七映九華之室密擬形容足以徼福應于含生致孝思于時事聖人繼作靈構相望故茅山紫陽觀今上敬爲烈祖孝高皇帝元敬皇后之所重修也爾乃星紀儲精下爲峻極河圖著籙懸示禎期自道氣融明眞科流衍治化宏開于赤縣符圖廣祕于名山而華陽洞天實羣仙之都會金陵地肺又三茅之福鄉左憑柳汧烟霞韜映右帶陽谷川原隱鱗伏龍靡池鎮以雷平之嶺鬱岡迴合浸以護軍之潭郭眞人叩鉉之池不遷留岸許長史鍊丹之井自冽寒泉白霧紫烟照映其上飈輪鶴馭往來其閒高眞七人四處茲地其後貞白先生以元德應世肇開



朱陽之館以玉書演祕爰立昭真之臺堂靖疏基元州之蹤可  
擬生徒廣業白龜之迹斯存金鈕鳳羅代相傳授龍車虎駕世  
有升飛及元靜先生以冲氣含和體庚桑之歲計元宗皇帝以  
尊師重道屈軒后之順風由是天眷遐臨皇心密契維新舊館  
再易華題丹鼎洞經潔修無倦芝泥龍簡投奉相望戶邑之民  
豈止奉明之縣樵蘇之禁甯唯柳下之墳故得雲物告祥芝英  
表瑞小周王之瑤水徒詠空歌異漢帝之猗蘭唯陳甲帳自茲  
厥後代有崇修上士名人時時解蛻雲輶羽蓋往往降靈皆著  
之金石播於謠頌嗟乎四時代謝天道盈虛雖元氣長存厯劫  
以資其融結而三階有象隨時因表其晦明則斯觀也將世運  
以汗隆與皇圖而升降赤明未啟猶多閭戶之悲白水方興始  
漸高門之慶孝高皇帝猶龍孕德指樹垂陰應樞電之殊祥肖

江甯金石記卷三

三

中天之奇表甘盤就學和光于百六之初庖正分官利見于九  
三之際賓門納揆有大造于當時彤矢盧弓允至公於四海繇  
是法堯受命祀夏中興補西北之不周應東南之王氣御明堂  
而揖羣后輯瑞玉而覲諸侯既治定而功成更憂深而思遠乘  
奔馭朽不以黃屋爲尊肝食宵衣惟以蒼生爲念知無爲之无  
敗體上德之不德疑神姑射端拱穆清政舉其中事至而應愛  
民重法敦本訓農偃革修兵守好戰必危之戒卑宮菲食懼以  
人從欲之譏故得百寶效靈三辰薦祉遠無不屆邇無不安少  
康光武之功獨高帝錄貞觀開元之業更啟孫謀今上承積德  
之基法自然之道變化无方之謂聖神武不殺之謂仁學洞精  
微守謙光而冲用明昭隱伏體大度以包荒動則庇民不矜功  
而尚智靜惟修政恆務嗇以勸分聞善若驚每賞秋毫之細容



光必照甯遺行葦之微化淡風隨時和俗厚嘗以爲天下者烈  
祖之天下憲章者昇元之憲章垂裕無窮永懷凶極衣冠原廟  
未足盡思聲樂娛神良非至敬緬慕在天之駕因嚴訪道之宮  
尋屬長樂上仙濯龍興感載詠生民之頌思宏十亂之功乃眷  
靈巖誕敷明詔發虞衡之吏集般爾之工執藝駿奔飾材麇至  
果園之柰供其礮斲北芒之土給其巧塲乃新祕殿祕殿孔碩  
黯其靈窳屹其穹隆題牙照以晶熒珠網交疏而窈窕震殷  
雷於滴瀝拖宛虹於楯軒忽陰闔以陽開乍霞駁而雲蔚儼若  
虛皇之御穆然太上之容疑馭氣以迴躋眇淩雲而遐觀乃立  
高門高門有闕擬金闕之觚棱洞朱扉而煥照龍章鳳篆以之  
題署霓旌絳節茲焉出入乃建兩序紛邏迤而重深乃起層樓  
逸茗亭而顯敞北彌郭干之路南亘姜巴之衢赫光景以燭坤

江甯金石記卷三

四

麗丹青而藻野速如神運恍若化宮每至日薄星迴歲之云暮  
桐華萍合春聿載陽赤城旋軫之初白鶴會期之際都人士女  
舉袂成帷襲靈風而其洽天和仰雲構而方知帝力豈止百年  
猶畏獨識軒轅之臺三壽作朋永闕姜嫄之廟大哉至矣無得  
稱焉夫妙本太元名垂不朽挺窮神知化之盛然後顯通幽洞  
靈之微立尊道貴德之教然後致還淳返朴之理漸于人爲富  
壽被于樂爲聲詩告于太史爲典冊著于豐碑爲銘篆耿光丕  
顯其在茲乎爰命下臣敬書令德詞曰

邈矣至道悠哉妙門龜龜無物絲絲若存是生清濁爰闢乾坤  
乃生之民乃作之君德盛惟皇功高日帝訪道峒山求珠赤水  
下或知有時稱至理三正循環鴻圖資始於惟基命赫矣皇唐  
運起再造天垂百祥元德升聞既壽永昌時乘白雲至于帝鄉



穆穆嗣君雄雄下武禮極配天教先尊祖明發盡思優然若睹  
敬伫仙游式嚴靈宇靈宇何在句金之陵丹霞夕暎白露朝凝  
重屋四注崇臺九層雲生窈窕日麗觚稜三秀交陰五便分徑  
丹砂流液五洲立靖柳谷絙煙雷池寫鏡彷彿九華依稀七暎  
至誠則感有應斯來含眞上客蕭閒逸才颯輪倏忽晨蓋徘徊  
浮黎認土方丈疑臺昔有聖人建言敷教救物以慈奉先以孝  
敬佩眞契恭聞大道顯妙用于言象鼓涓風于億兆薦純嘏于  
無窮仰皇猷于克劭

右碑正書朝議郎守太子右諭德武騎尉賜紫金魚袋  
臣徐鉉奉制撰朝議郎守尙書虞部郎中武騎尉賜紫  
金魚袋臣楊元鼎奉制書并篆額銀青光祿大夫行右  
千牛衛兵曹參軍兼監察御史上柱國臣王文秉刻字

江甯金石記卷三

五

己未歲十二月一日建己未北宋中興之次年此時奉  
周正朔故不署南唐年號今碑已佚只存片石計四十  
餘字藏于句曲駱氏陽湖孫季述藏有舊拓完本曾以  
相示愛其筆勢翩翩神采超越其溫潤似虞結體則法  
右軍至今憶及尙爲神往因復將駱氏所藏圖于篇末  
以明片羽吉光之足貴云

名積正

明之域飲和於

維圖啟後游神象外脫

九華之室密擬形容足

所重修也尔乃星紀

柳汧煙霞鞞映



唐本業寺之記

夫以星池布彩扶烈宿於元穹鶴樹收光運眞風於像教遠則  
摩騰入漢近乃達磨來梁傳三乘一性之宗古今恒尔指見智  
無生之忍人我自除所以佛依法住法假人宏道本無心卽心  
悟道未證斯理體解如然誼寂之居故非常尋依王水土事佛  
餅盂設戎防身藏名遠惡剋修三業不止六塵稟奉四儀方歸  
入正其本業寺者梁天鑿九年有釋淨玉捨宅爲寺累代廢興  
石像旣存鄉人崇信凡經亢潦衆聚祈求唯奉圜而事家實遵  
堯而慕舜其民戚戚其化堂堂旣偶主上垂衣寰中舉首山河  
秀實日月光輪遐迓奔趨車口福湊三教齊興於聖代一乘別

江甯金石記卷二

六

紀於明朝非頻婆王而再出如何非須達多而重生弗口於保  
大五年有上元縣近寺衆多檀信宣義開甯兩鄉周俊周禔等  
雲集園奏請開善寺僧令安歸寺整葺焚修蒙先元宗皇帝御  
批奉功德使齊王旨承省司給牒重賜開基再修此寺江月沈  
而猶出塞鴈去而還來唯酬帝祚之思永感乘時之德爾後召  
慕四方檀信共剏伽藍紺殿光鮮晨夜之香燈馥郁青龍迤邐  
寒喧之蒼翠聯環寺主安上人俗姓吳當閩人事開善出家順  
義六年武皇戒品習筵經論罷好虛閑擬易高蹤應來眾請徇  
居名迹獨質劬勞執火拾薪猶希弟子有上足門人道新道昇  
道通道暹道圓等相次出家口承旨訓如子奉親及至經業該  
通昇元受具甘露之香壇灌頂如來之戎制持心戴日衛息擎  
山捧國師資之義恭効無疲侍膳之心始終曷已次教化造得



正堂廚庫其有廊屋僧堂必取圓就良時已偶星宇重與東接  
文園昔是儲君之主西連將嶠今茲蕭帝之蹤幾百年而鍾梵  
冷音流傳佛事一千載之龍圖闡化普徧皇息願戈鋌無討伐  
之心願稼穡有豐登之序九功樂業三界同安長開十善之門  
共續五天之教金言可顯磐石恒堅名籍有圖遺蹤莫朽年移  
事往紀德難勝繼踵宏揚刻鐫銘石謹記

碑未刻鐘  
郭刊字

右碑正書僧契撫撰東山任德筠書唐乾德五年歲次  
丁卯七月十九日建在上元麒麟門外謝塘村乾德宋  
號也丁卯宋受周禪之八年南唐後主繼元宗之七年  
也此時雖臣於中原在國猶用王者之禮故於宋號之  
上加以唐字按交泰元年春周耀兵江口元宗懼其南  
渡因遣陳覺奉表貢方物請以國爲附庸去帝號稱國

江甯金石記卷三

七

主削交泰年號稱周顯德五年凡天子儀制皆從降損  
後主又酷信淨屠退朝與后服僧衣誦佛號拜跪至手  
足成贅宋祖因其惑乃選少年有口辯者南渡與論性  
命之說後主信重謂之一佛出世由是不復以治國守  
邊爲意未幾入朝于宋至爲所滅噫度僧禮佛果有補  
于事乎與賣身佛寺者何先後一轍耶碑中以烈作列  
克修作剋修輻作福再作再蔣作箛蕭帝作簫帝寒暄  
作寒喧導廣韻音礙釋典云無昇也囿集韻音國武后  
製芻音胥出漢桐柏廟碑闕作闕恩作忌皆他碑所未  
見



江甯金石記卷四

宋

卞忠貞墓前石柱

晉尚書令假節領軍將軍贈侍中驃騎將軍成陽卞公墓

右墓碣在冶城山下字跡瓌瑋鉅書深刻 家君初欲

仿歐陽文忠公湖州石柱記之例定為顏魯公書及闕

曾肇卞公祠堂記乃知封墓刻石者江甯府知府事龍

圖閣直學士葉清臣也

華陽洞口宋人題名十二

題名僅能以類相從不復按碑敘次

天聖丙午陳遵

慶厯八年丹陽陳淵浚渙

皇祐庚寅太常博士范民長裴道來

崇甯壬午孟春陳孚先勝

大觀丁亥仲夏曾審言

陳輔郭微張瓌胡恢畢之翰魏中庸程迪

右題名十二則在華陽洞口按真誥句曲華陽洞最敞

東通王屋西達峽嶺南接羅浮北連岱岳洞中飛鳥交

橫風雲鬱鬱原埤壠堰草木水澤與外無異然未聞有

人窮其勝者今洞口有正書題名錄之于右至後陳輔

等七人雖未署年月攷之皆宋人也

攝山題名

明道二年四月黃召祥遊白雲庵謹題

右正書在天開巖

趙襄杜侄建中靖國元年秋日登千佛巖

行書



陽羨施安中口慧老登千佛巖觀沈傳師留題賞之政和乙未  
孟冬十八日 行書

徐君瑞李山父口山印同遊政和仲冬十三日 行書

胡恢 篆書

右三則在栖霞千佛巖龕內沈傳師題名雖目載趙明

誠金石錄今不得而見矣沈括夢谿筆談稱金陵胡恢

工書韓魏公令篆太學石經觀此題名與陳留學宮周

禮殘碑筆意相似豈石經卽恢之所書然其時章友直

楊南仲張次立同與其事又未能直以殘碑出于胡恢

之手

莫伯輿仲珪來丁酉三月弟伯秩來丁酉五月六日 正書

項德口沈德父長老惠法師 行書

江甯金石記卷四

右二則在一龕內按丁酉政和七年也

丁酉三月曾和遠黃若中同慧遊 正書

政和七年四月廿九日林篋來 正書

右二則在一龕內閱全吉士鮪琦亭集知攝山有宋游

文靖公嘿齋題名因其名蹟傳于今者甚少暇日與弟

晉訪之渺不可得相距數十年令人有沈玉之感而于

千佛巖轉得題名十二又皆前人所未見者因詳錄之

聖宋江甯府江甯縣牛首山崇教寺辟支佛塔記

牛首雙峯高插雲漢實金陵之巨屏東夏之福地林樹蔥鬱泉

石相映聖賢大士多所棲宅故宋明帝嘗問道林誌云牛首有

何神聖曰文殊頌一萬菩薩各居於此又辟支迦入定之所卽

稱爲佛窟寺上有巖洞幽澹磅礴中鑲眞隱世傳辟支宴坐之



洞也西竺曰辟支迦唐云緣覺因觀十二因緣而覺性明悟又云獨覺觀四時之洞變知諸識之何依无師自悟稱之獨覺其或靈山隱秀名洞棲真因其所居卽爲化境矣若夫道之污隆地有興替得其盛者繫於人焉當寺自天聖年中有僧德銓戮力自效徧募檀信欲於山頂建造輶塔以標勝跡歲月滋久工力未就乃有府城信人高懷義歎之因循慨其湮沒遂集眾力同而成之卽於洞前按圖定址審曲面勢下葬舍利上建輶塔忽高四丈五尺中安辟支佛夾苜像一軀粹容儼若寶塔高妙瞻者覩者罔不發菩提心焉噫人之生以寒暑之勞朝營夕謀豐衣厚食不啻一善至於齒鬣髮華乾沒于世者有之矣若高氏生能構斯善鳩舉衆類建是塔作是緣鎮此名藍標于勝概是不朽之矣長干圓照大師普莊有觀斯善合掌讚歎云爾皇

江甯金石記卷四

三

祐二年歲次庚寅春三月三日起工八月望日落成後三日謹

記碑末刻李塋刊興塔僧德銓殿主僧德勤維那僧德誠寺主僧處真

右碑顧清正書在牛首辟支塔上

棲霞寺牒

尙書省牒江甯府嚴因崇報禪院

禮部狀准都省送下資政殿大學士右光祿大夫知揚州事充淮南東路兵馬鈐轄張瑛奏勘會先任中書侍郎日曾奏乞將江甯府攝山棲霞寺充先臣墳寺乞以嚴因崇福禪院爲額已蒙改賜訖臣今欲乞將上件所賜寺額改作嚴因崇報禪院爲名如允乞下合屬去處照會改正施行本部勘當欲依本官所乞事理施行伏候指揮

牒奉勅宜賜嚴因崇報禪院爲額牒至准



勅故勅牒上二行 俱草書 元祐八年六月二十五日牒

太中大夫守右丞鄭 左光祿大夫守左僕射

碑末刻朝奉新差知舒州桐城縣管勾學事管勾勸農事兼兵馬都監張裕民上石政和三年癸巳九月重陽住持傳法賜紫沙門元慧金陵駱文舉刻

右牒刊於陳棲霞寺碑陰首行十三字正書次二行為

太常寺奉旨定封號申尚書省狀次三行大字行書惟

三牒字二勅字草書乃尚書省牒具勅詞也後題元祐

年月上鈐以尚書省印後書押者二人以史攷之大中

大夫守右丞鄭者鄭雍也左光祿大夫守左僕射姓名

俱不書蘇頌也陸游老學庵筆記云自唐至本朝中書

門下出勅勅字皆平正渾厚元豐後勅出尚書省亦然

蔡京臨平寺額作險勁體來長而力短省吏始效之謂

江甯金石記卷四

四

司空勅亦曰蔡家勅此碑勅字正其體也

宋仁壽縣君蘇氏墓誌銘 并敘

次莊少時先人遇客名儒必奉卮酒接慙勸講儒學事列次莊  
昆弟侍冀得萬一教訓其中故湖北轉運使秘閣校理趙大夫  
公揚于次莊輩最獎飭誨勵後公迎婦廣西往來道長沙益為  
曲折熙甯中公通判潭州次莊為屬縣尉公喻次莊士當自奮  
拔卽教上書天子因召見留中都紹聖四年次莊來居陳公之  
夫人仁壽君適卒于陳氏之項城其子將護夫人之喪耐青龍  
山校理之墓論談次莊職也謹誌而銘之廣西轉運使贈禮部  
侍郎蘇公安世慶厯中以三司戶部判官治歐陽修寃獄白修  
無罪以此名聞天下丞相王文公嘗誌其墓曰蘇君一動其功  
于天下豈小也哉夫人其季女也少喜誦詩書黃老之言趙氏



名族及歸以敬肅範儀其家兒女子稍長校理與夫人共訓導使學不得怠弛趙疏戚有女失怙恃夫人取之養育迨笄爲具資嫁表姪梁傳無所倚仗與之娶致夤緣得祿交趾陷邕州裨將死其妻脫身丐食北走至邵陵夫人厚撫遺翼送千里還其家大原郡君王氏其子敗官客商水乏食歲時爲賑活平生囊無餘資概以此存守吐納練氣服餌之術夫人悉通曉之晚復究明性相寂滅之理紹聖四年十月十四日將奄棄疊足屈指若釋氏結印狀神色疑定後七日家乃敢殮子三人峒德順軍司法參軍嶸朝城令岍項城尉女三人適長社尉毛球宣德郎知長安縣陳祐通直郎知邵州張諤云銘曰

蘇氏武功裔于蠶叢蜀亾其東有顯秩宗迺生淑女峻厥軌度橐解不儲職施之故宅彼高崗雲木蒼蒼以永其藏莫室其光

江甯金石記卷四

五

右碑正書承議郎勾當亳州明道宮劉次莊撰并書紹聖四年立今砌祈澤寺大殿後按王荆公墓誌云蘇安世字夢得其先武功人後徙蜀蜀亾歸喪于京師今爲開封人女適單州魚臺縣尉江山趙揚卽仁壽縣君此碑書法秀潤誠如所謂紅蓮新折潤之以風雨可也次莊字仲叟爲崇甯中御史卜築于淦水之濱東山之麓有戲魚堂帖向會見其殘本

崇明寺大佛殿莊功德記

眞俗互卽故聖凡所以交歸相用同時而理智所以融會然而現身雲於金地布法雨于祇園者豈徒爲哉蓋悲憫于有情而示迹以受生故也繇是佛佛紹補彌勒將次于降神燈燈繼明天親夙承于願命教所謂不動眞際而爲諸法立處者乃聖人



之能事矣。句容崇明寺卽西晉之義和也。暨唐以會昌之難，因而兇廢。宣宗卽位，從而復之。皇朝太平中，改賜今額。其正殿乃尊彌勒像焉。縣歷歲遠，相好日昏。有大比丘紹明喟然歎曰：吾輩爲法王子，享如來應像貌，勿嚴甚，非其徒，所以奉崇之意，將曷以報思子？至德故因議寺有歲輸之粟，旣得請，又出囊資及募緣，適周其用。與文殊普賢侍衛之神，凡七軀，中有儀制未備者，增而飾之。於是繪事畢集，而心匠惟精，彰彩燦然，而英華盡美。聚金紫體端穆穆之聖容，秀青蓮眸湛昭昭之離象，諒彼兜率之妙相，寶宮之梵儀，其能異于此乎？使夫擊跽而瞻嚮者，心惇景慕，誠加肅敬，茲豈獨弭罪希福而已哉？致一信之善，將見乎有以自性之本，其爲拯物之利，亦以大矣。明公嘗學諸方，得法于廬山棲賢遷禪師，旣而歸以駐錫，每見其眾共之所有，以

江甯金石記卷四

六

未完慨然圖治，孜孜焉。遇于已居之急，若鐘樓傾敝，則新之以大壯庭階，荒蕪則甃之，以如砥。凡先後財用之費，計其緡錢不啻二百萬，皆出于誘化之力，實自精誠之致也。余以謂釋子之學者，或專習禪，那輒忘與于佛事，或勤修梵行，遂復昧于已靈，且聖人之意，烏乎相戾哉？蓋所趣者異也。今明公解與行兼而兩得之，故樂爲之道。碑末刻比丘希文表白比丘慶實表白比丘慧良寺主比丘印輔勸緣監寺比丘紹明首座講經論充本府壇長比丘從覽立石

右碑正書山陽李潛撰并書元符庚辰正月望日立刊

于唐碑新三門記之陰碑首刻觀世音像端嚴妙好筆

意似李龍眠碑側紀募緣所得之數

莊功德記碑側

當寺僧惠明募緣卅五千文僧清儼募緣一百五十千文僧令



皋募緣一十七千文僧惟政七千文僧憲連七千文僧惟清五  
千文僧志約五千文僧惟德三千文僧惟梵三千文僧惠誠二  
千文僧志康二千文僧普誠二千文僧澄寂一千五百文僧志

遠一千五百文僧道晏一千五百文僧鑒宗三千文以上第一  
列第二列

云各一千文僧志仲僧懷一僧惟恭僧常皎僧惠禹二千文僧

智平僧智藏僧智幹僧可周第三  
列云寺各一千文僧從慶僧德元

僧義和僧義良僧道通義和寺常住二千文僧清鍊一千五百

文僧全義一千文僧懷稹僧虛敞僧常定僧楚宗第四  
列云寺各

一千文同永興寺僧紹宗僧道華國願寺各一千文僧文用僧

元一僧元應僧明誓僧義朗僧文雅僧可立僧志孚僧寶倫僧

懷建僧悔藏僧智盈僧常口僧智從僧懷習僧惠擇僧志誠第五  
列

云陳泰寺僧道堅僧明廓僧令皋僧堅法彭山寺一千文業行

江甯金石記卷四

寺一千文新興寺僧智穎一千文寶城寺僧胡雲觀音塔僧法

政三千文棲霞寺僧道智五百文第六  
列云僧堅智一千文僧志皋

三千文僧志全三百文僧存信三百文僧道華一千文

茅山題名

蓬壺洞石豫崇甯元年一月

玉柱洞喬通叔崇甯四年

右題名正書俱在茅山

大觀聖作之碑

厚風俗明人倫口人材所自出也今有教養之法而未有善俗  
明倫之制殆未足以兼明天下孔子曰其爲人也孝弟而好犯  
上者鮮矣不好犯上而好作亂者未之有也蓋學校置師儒所  
以教孝悌孝弟興則人倫明人倫明則風俗厚而人材成刑罰



措朕考成周之隆教萬民而賓興以六德六行否則戒之以不孝不弟之刑比已立法保在孝弟任卹忠和口士口里選口口科舉不孝不弟有時而口故任官口敢趨利犯義詆訕貪汚無不爲者此官非其人士不素養故也近因餘暇稽周官之書制爲法教學明倫善俗庶幾于古諸士有善父母爲孝善兄弟爲弟善內親爲睦善外親爲婣信于朋友爲任仁于州里爲恤知君臣之義爲忠達義利之分爲和諸士有孝弟睦婣仁卹忠和八行見于口狀著于鄉里耆鄰保伍以行實申縣縣令佐審察延入縣學考驗不虛保明申州如令八行孝弟忠和爲上睦婣爲中任卹爲下士有全備八行保明如令不以時隨奏貢入太學免試爲太學上舍司成以下引問考驗較是不誣申尙書省取旨釋褐命官優加拔用諸士有全備上四行或不全一行而

江甯金石記卷四

八

兼中等二行爲州縣上舍上等之選不全上二行而兼中等一行或不全上三行而兼中二行者爲上舍中等之選不全上三行而兼中一行或兼下行者爲上舍下等之選全有中等二行而兼下一行者爲內舍之選餘爲外舍之選諸士以八行中三舍之選者上舍貢入內舍在州學半年不犯第二等罰升爲上舍外舍不犯第三等罰升爲內舍仍准上法諸士以八行中上舍之選而被貢入太學者上等在學半年不犯第三等罰司成以下考驗行實聞奏依太學貢士釋褐法中等依太學中等法待殿試下等依太學下等法諸士以八行中選在州縣若太學皆免試補爲諸生之首選充職事及諸齋長諭諸以八行考士爲上舍上等其家依口戶法中下等免戶下支移析變借借身丁內舍口支移身諸謀反謀叛謀大逆口口及大不恭口訕宗



廟指斥乘輿爲不忠之刑惡逆詛罵告言祖父母父母別籍異材供養有闕居喪作樂自娶釋服匿哀爲不孝之刑不恭其兄不友其弟姊妹叔嫂相犯罪杖爲不悌之刑殺人略人放火強姦強盜若竊盜及不道爲不和之刑謀殺及賣略總麻以上親口告大功以上尊長小功尊屬若內亂爲不睦之刑詛罵告言外祖父母與外姻有服親同母異父親若妻之尊屬相犯至徒違律爲婚停妻娶妾若無罪出妻爲不嫺之刑毆受業師犯同學友至徒應相隱而輒告言爲不任之刑詐取財罪杖告屬耆鄰保伍有所規求避免或告事不干己爲不恤之刑八行縣令佐州知通以其事口書于籍報學應有入學按籍檢會施行諸士有犯不忠不孝不弟不和終身不齒不得入學不睦十年不嫺八年不任五年不恤三年能改過自新不犯罪而有三行之實口鄰保伍申縣縣令佐審察聽入學在學一年又不犯弟三等罰聽齒于諸生之列

江甯金石記卷四

九

右碑正書在句容大觀元年九月十八日資政殿學士兼侍讀臣鄭居中奏乞以八行詔旨摹刻于石立之學宮次及太學辟廡天下郡邑二年八月十九日奉口口賜臣禮部尙書兼侍講久中令以所賜刻石通直郎書學博士臣李時雍奉勅摹寫承議郎尙書禮部員外郎武騎尉臣萬口朝散郎尙書禮部員外郎雲騎尉臣章壽隆承議郎試尙書禮部侍郎學制局同編修官武騎尉隴西縣開國男食邑二百戶賜紫金魚袋臣李圖南朝請郎試禮部尙書兼侍講實錄修撰飛騎尉南陽開國男食邑三百戶賜紫金魚袋鄭久中太師尙書左僕



射兼門下侍郎上柱國魏國公食邑一万一千二百戶  
食實封三千八百戶臣蔡京奉勅題額按脫脫宋史此  
碑天下郡縣應皆有之何江甯府學獨無攷江賓王修  
學記此碑乃紹興二十四年後縣尹龔濤所建嘗謂自  
元祐創立明經行修科大觀元年又立八行取士科皆  
欲主德行而略文藝兩科相望幾數十年迺有幾人卓  
然自著與名格相應者是知略實藝而追古制其難也  
如此

大宋茅山第二十三代上清大洞國師乾元觀觀妙先生  
幽光顯揚之碑

先生姓朱氏諱自英字隱之句曲朱陽里人也生八九歲牧牛  
郭千村兒曹卷葉吹笳鞭角馳牛蹠降爲戲先生辭不能牧兒

江甯金石記卷四

十

哈焉先生笑曰尔騎牛曷若我騎鶴徐徐出笛袖閒裂竹而鶴  
舞空下先生跨背鶴騰輒墜牧兒駭呼自是從牧時能致鶴或  
謂不祥父母遂棄之入道師玉晨觀道士朱文吉訓篤肄業先  
生過目掩卷曰孰矣師蓋未能奇也十有一歲度爲道士仙標  
玉骨固已稜稜迥出風塵外先生幼生田野未始目吾儒經史  
與夫道家仙籍閒焚香誦六經百子三乘三十六部袞袞不絕  
口四遠老師夙學願見眉宇先生坐一室閉目溫繹聽者按無  
一字遺及長把筆爲文章混然天成尤精風雅句句警策發藥  
契經如空洞之音焉金陵牧馬公亮遣吏持書置而弗問其師  
恐告以未善先生曰不然彼將勞我矣自爾與明眞張練師紹  
英捫蘿上積金峯密天布壇龕火浣而棲二人卻穀以至骨立  
餐沆瀣奔三景修儀鄰璫佩之法以速輕舉居無何戶外之屨



滿顧謂張曰如何比期絕跡而躡我眾不泰多事乎哉張曰子勿羶人將擲子之不暇如其羶天下斷有不嗅者何必行先生曰一住一行亦各其志奚必同于是旦疊壇而夕渡江將拜混元于亳社禮天師于青城方其厯關而西抵劔門道逢一叟修臂鶴髮方目犢瞳踞坐咄曰少冠奚自曰自華陽復而曰奚適曰如蜀如蜀奚求曰求大藥叟仰天大笑曰少冠不聞陶隱居乎可人也五練而丹弗就困然後發三朝浮名之歎遂不成白晝騰踏乃從狗竇一過況汝骨結未就道蘊小成若不潛晦光耀將析楊汝以仁義劓刑汝以禮樂爲天戮民良可哀先生曰投吾鑿室吾竅命之矣叟於是拍指冥想曰隱居告余七百年後當有赤子出于茅山殆此應已命先生閉目曰謹執余裾唯覺林梢拂足底開目乃坐青城山下遂授以金鼎九轉飛精劔

江甯金石記卷四

十一

法事竟先生曰血胎肉目不識丈人它日容進履如穀城影像可乎叟曰世號陳鐵腳卽吾也頃年先帝命遣求藥海上適有僱佺安期之滯至無及矣言訖失叟所在先生出關欲遂東歸復思三茅道藏缺謔乃載遊賴鄉校酬太清古本居歲餘常日有丐徒武姓提弊筐就堂石盤倒餘食而去衆呵不動候先生滌器已卽相訊問黃衣初騰競舉手揶揄之曰朱茅山等類此乞索伍仙遂舍去約先生旦會旗亭酒家話心焉顧謂先生曰汝眞法器第故習未除不灑灌終仙累能從否先生曰敢不從命藏睛少選觸耳闐然忽覩闔顧先生曰此河中府也侵尋及河截流安涉先生踵之若蹈平陸接岸武欣欣曰信士可教矣吾亦星童子也汝此一行也已抵度形大陰然須幽屏不厭深眇大匠勿示人以璞不爾未易知也殊時復會審口夷微



遽背而去先生愴恨暨還故山剝心剔智寶二師之誨存三守  
一追楊許之烈未幾玉清昭應宮成詔選名行工部侍郎薛公  
暎以先生名上朝廷遣使召先生表辭尋而宮車宴駕章聖上  
仙仁宗嗣服明肅太后垂簾丁晉公謂王冀公欽若竝薦章三  
上使兩至先生復辭謝表溫雅有儒臣高世之風朝廷嘉之故  
晉公簡詩曰大隱何妨混朝市三天澄淨謁元君冀公簡詩曰  
何事故人違舊約負琴攜鶴待相隨先生繼荅詞極清妙二相  
上之皇太后追懷華陽洞天爲先帝祈嗣感應之地故特諭二  
重臣強起先生府縣敦迫且言得罪先生不得已遂受命勅朱  
自英未經朝見百官禁不通謁雖梁器陶景德吳筠未足方  
萬分詔先生留館玉清昭應宮尋奉旨登寶符閣觀天書累表  
乞退二聖眷遇方隆以重違雅尚先生得請東歸故鄉訣志精

江甯金石記卷四

三

思心馳太空之境矣朝廷賜勞車蓋相望先是中貴人傳上與  
太后慰藉語山中百須時上恩許一新諸口先生對道士當巖  
居穴處勤修上法遵保大茅司命之苦行庶可報國恩若效西  
方土木裝嚴非老氏儉慈之教唯乞近山立常甯一鎮爲遊客  
行商息肩之所朝廷從之道藏三洞四階靈文寶笈實金繩玉  
控之祕傳大法自魏南嶽以降逮先生凡二十有三代明肅太  
后欲踵紫虛元君故事祈授畢法遙尊朱張爲度保師賜號觀  
妙明眞建乾元天聖兩觀以旌師資先生於斯不辭是時琅玕  
飛精神景三鑑方四轉火矣居一日口江甯府遞得蜀州守蕭  
貫傳所謂道士武抱一書者先生執書泣數行下弟子莫測所  
以書責姓名顯耀天機暴露之咎意警先生避俗藏身中霄引  
去猶爲可救文緞藻練綽有可觀縉紳先生簪裳淨侶警其風



聲有繪象刻石傳于世所謂武仙童者天聖七年大丹成鼎輒覆丹竈弟子毛奉柔密啟先生眇丹歎息曰桑榆旣迫狗竇一過信矣至其年十一月解駕春秋五十有三卽夕掩關勅弟子毋入頗異常時夜將半弟子擁鑪壇房候警欵穴牕朱衣使者執冊庭下雖儀容甚都光煜鑑人毛骨童子輒誰何徐徐荅曰眞官下盧文秀帝遣迎朱眞人耳弟子輩牢局惕息不復出頃之先生問夜對曰視星三鼓須臾又問玉晨磬鍾已否曰未也連問者數四鐘旣聲先生呼侍衛者曰吾行矣弟子入但見危坐手執祥符所賜玉如意儼然是夕天苦寒先生頂生圓光溫融一室玉體汗浹若珠琲然大斂際有聲隱隱自其棺出法固謂之尸解舉木疑空衣耳前一日陶眞人坐曰無故震者三大衆咸異先生曰若何與汝事繼夕遷神鶴唳旋壇谷鳴若簫凡

江甯金石記卷四

三

三日旬容權令酷吏也丞相李公迪出鎮遣屬官致詞邀先生俾縣加道修肅俟先生過邑不顧而去令陰銜之還又不少留左右曰縣令朝服道左當下車一見先生曰非不願也顧血腥苦難近耳令聞益恚至是按負租乃盡逐先生徒弟徒弟逃難不暇而嘉祥異瑞爲其所抑誣以中丹毒死九重寥廓亦無從而達越明年令去任克葬反眞之宅卜鬱岡西麓方隅洞之東拒李眞人丹井若干步高三尺者是已嗚呼以先生夙淨甚修宜無不圓猶有不幸況悠悠之徒後五十有九載歲在執徐先生侍香弟子石致柔年過八十卽蠹簡得西劍州道客任懷一錄先生事頗爲疏略漫滅過半矣跪而泣曰先生之道可以扼於一時庸詎鬱于千古念可以發潛德之幽光非夫子而誰其意以僕九十歲徧親先生三景弟子謂得之詳僕歸以告吾親



曰石氏子之請乃吾素志汝盍表大宗師奉命藻雪涓辰而書  
乃拜手稽首而獻頌曰

翳高陽氏之遺裔兮誕已字之靈墟幼紫陽之羽褐兮應赤子  
之讖符度劒嶺之危岷兮執鐵腳之長鋸憑黃河以徒涉兮躡  
星童之雙鳧方帝三葉之慶祥兮屬春宮之位虛祀高禩以詔  
弓鞬兮洞天輟司命之友于膺玉女之受度兮續元君之紫虛  
館昭應之隱几兮閣寶符而觀天書上方遵崆峒順下風兮俄  
泠然其及歸途攀帝恩而戀戀兮奈仙期之敢踰朝辭絳閣而  
暮復繡嶺兮眞官已降于庭除足三乘圓七界兮將聳身而凌  
空無楫飈輪御六氣兮竟歸神於清都系曰保深息兮煙霞結  
廬邈元遊兮龍虎驂輿悵超遙其無蹤存桐柏之丹鑪青牛谷  
冷兮石壇蘇合白榆風蕭兮玉棺劍孤篋虛皇之在宥縣實錄

江甯金石記卷四

兮宗圖

世傳朱觀妙下世時爲丹藥所誤既得南郭先生陳輔所作幽  
光顯揚碑乃知前說之妄先生蓋丹未及成而解化南郭先府  
君少隱茲山師事朱張二先生是事皆目覩非聞而知之也頃  
沖隱筮君得斯文將欲捐金立碑於乾元并一新壇館會沖隱  
遽解化後今養素徐君嗣開壇席當成其志也蔡仍題沖隱先  
生解化後二年政和乙未歲養素法師徐希和始克立石


右碑在乾元觀雲陽南郭陳輔造七閩西山蔡仍書并  
題額行書縱逸絕似海岳第文筆冗長詞多失實如云  
句容權令酷吏也候觀妙過邑朝服道左攷其時縣令  
乃龔宗元發奸摘伏政稱神明尊從道流未必若是蓋  
作者欲夸張其教遂至詆謏失真耳相傳觀廢時居民



毀碑將以煨灰忽雷電合之今細視竝無痕跡蓋亦故  
神其說若果有之則元靖碑亦煨於是時不于彼而于  
此豈豐隆列缺其志亦與末流道士等耶

江甯金石記卷四

五



此碑與... 其志與末流道士等耶  
... 其志與末流道士等耶  
... 其志與末流道士等耶



宋

建康軼

建康府

右軼正書陰文吳門瞿君木夫得于闌中作詩紀事題詠極多江甯友人岳樂山家亦有一枚質若澄泥因鑿爲研按宋紀建炎三年五月八日改江甯爲建康府乾隆五十年六月二十三日午刻鐵塔寺圯其中宋軼甚多閒有款識此軼蓋岳君得于其時者也

勅賜嘉惠廟額牒

尙書省牒建康府嘉惠廟

禮部狀准都省付下江南東路轉運司奏建康府靈澤夫人祠

江甯金石記卷五

字祈求顯應欲望睿慈特賜嘉封仍賜廟額本司尋覆行審究得委有上項顯應本司保明詣實本部尋行下太常寺勘會去後今據本寺申檢會近降指揮降文神祠如有靈應卽先賜額今來建康府靈澤夫人父老相傳稱呼靈澤夫人太常寺今依前項指揮合先賜額本部所據太常寺申到事理伏乞朝廷詳酌指揮施行伏候指揮

牒奉勅宜賜嘉惠廟爲額牒至淮

草書列上層

勅故牒

草書

紹興二年十一月日牒

行書

簽書樞密院事兼權參知政事權

參知政事孟

出使

尙書右僕射同中書門下平章事



尚書左僕射同中書門下平章事

俱正書  
列中層

嘉惠廟靈澤夫人之祠也本末源流載于志者甚詳紹興初計臺禱雨獲應申請于朝遂賜今額自是靈休益著凡有所祈隨叩隨荅實慶改元夏苦旱時僑適備員下邑心實憂之敬往禱焉果獲甘霖農望少蘇于是顧瞻祠宇咨問所元因取賜額勅黃觀之信而有證喟然歎曰神之有功于民洪矣嘉惠之褒口鐫刻登載因仍闕然歷年浸多恐就湮沒不惟爾神之功不著而國家所以褒崇爾神爲民祈福之意亦將晦昧而不彰予心歉焉謹口其所賜勅黃刻之堅珉傳示不朽云實慶改元七月日奉議郎知建康府上元縣主管勸農營田公事借緋趙時

僑謹記

碑末刻住山釋普甯立石張彥忠刊

右碑額正書云靈澤夫人祠牒文俱正書惟三牒字二

江甯金石記卷五

二

勅字草書而勅字獨大後題紹興年月上鈐以尚書省印後列簽書樞密兼權參知政事權者權邦彥也參知政事孟者孟庾也下注出使二字是時命爲江東西湖東路宣諭制置使故也曰尚書右左僕射同中書門下平章事二人姓名俱不書以史攷之朱勝非呂頤浩也自元豐官制行而平章參知之名久廢南渡後初尚書左右僕射竝帶同中書門下平章事改門下中書侍郎爲參知政事而宰輔之名又一變矣

勅封廣惠侯誌

勅建康府溧水縣正顯廟神惟神夙著惠政懷于一方遺愛流傳廟食殊久凡雨暘之祈禱皆響荅而感通功既及民無可褒典錫茲美號寵以侯封永孚靈休副我顯渥可特封廣惠侯奉



勅如右牒到奉行紹興十七年六月二十二日第一列行書年月上鈐以尙書

告廣惠侯奉勅如右符到奉行紹興十七年六月二十四日下

第二列行書分四行書上鈐以尙書省印

人皆知作善于顯明之中者必獲陰祐殊不知陰德橫被于民者亦有陽報惟侯惠政在人尸祝之敬肇自有唐迨及我宋靈休亦顯升聞於上命書鼎來邑人歡喜踴躍思侈聖訓用彰侯德既刻堅珉且屬衡爲之詞衡嘗謂神人本一心幽顯無二道非悟釋氏卽色卽空達蒙莊死而不亾之說者未易語此後之令茲邑者心存是道而盡力于民庶祖賢侯可以無愧乾道三年歲在丁亥春正月庚子朔朝奉郎知建康府溧水縣主管學事勸農營田公事兼兵馬都監兼主管圩田賜緋魚袋李衡謹

江甯金石記卷五

三

書第三列

右碑在溧水城隍廟內牒誥必由尙書省施行執政者例得列銜署姓故此碑秦檜之名克列于後然其名氏爲人指所畫磨滅殆盡幾不可辨益證好善惡惡之心

古今一轍也

宋故建康府高座寺東講院主新公塔銘 并序

師諱慧新姓曹氏南京楚邱人也年廿四歲依本府右街顯慈寺臥佛院僧明德爲師建炎改元授具足戒四季發志荷負慈母劉氏往南海禮補陀觀音一夕至海濱遇一老翁爲師曰汝何往也師曰欲禮補陀觀音老翁曰觀音不在南方汝途中蹉過爾可速歸老翁言訖遂失所在師恍然如夢醒知是異人方悟觀音隨心卽現既迴臨安紹興二年結庵龍山發心齋僧供



瞻長講五年之建康之普光庵接待往來雲侶次遷高座寺東  
借隅隙地築基架屋西北諸師輻輳茲地師不倦供給香火益  
嚴六軍將帥四方信人聞之送供略無虛日十五年雕造慈氏  
聖像帶座蓮花高一丈八尺金碧莊嚴爛然奪目落成之日作  
會激揚觀者如市十六年冬行朝諸將帥堅招師往以砌御路  
爲請師不得辭緣事方畢十七年二月十二日示微疾告終師  
世壽四十八僧臘廿一齋僧廿萬計妙嚴勝會修崇不可殫紀  
嗚呼我佛之徒後五百歲像法之末罕得其人而師之稟性直  
古出言誠諦以苦節爲務以利物爲心賢隱聖師莫不供承勝  
地名山莫不瞻仰福田德密行業孤標以有爲身易無漏智能  
事斯辨鏡像脩然決取盤涅現寂滅相薪盡火滅收骨舍利復  
還建康卜地宋興建茲靈塔四俾衆有所皈嚮焉其徒義從持  
師之狀來京口楞伽頂丐余爲銘將刻諸石余與師有契義不  
可辭謹以師行業次第之乃爲銘曰

江甯金石記卷五

四

脫世塵勞念求出離著壞色衣勤恪不替以如幻心興如幻智  
誘彼信人作利益事補陀觀音口混塵市不在南方斯言有味  
齋僧福田講演奧義彫刻中天內宮慈氏天街御路廣平心地  
能事告終二月十二收設利羅歸金陵寺巍巍浮圖示爲津濟  
碑未刻任持建康府興教院賜紫僧中彥東京  
太平興國寺主賜紫普照大師德明同造塔

右碑正書住京口甘露道場傳燈正一大師法永撰開

封李布書紹興十九年歲次己巳九月甲戌立書法文

章皆非絕品在江甯雨花岡永甯寺周吉甫謂在高座

寺者誤

建康府句容縣重修夫子廟記



鄉校不可一日廢也尙矣青衿逸城闕鄭詩以爲刺下車修庠序漢史偉之蓋申孝悌厲賢材取士論政養老饗賓悉由于此故君子于其興廢也有以知國之盛衰見人之賢否句容舊有夫子廟棲縣之南謹按古碑立自唐開元十一載我宋之興文物隆盛元豐二年葉公領縣病其卑陋且惡俗不喜儒相廟之南有驛焉寬閉口爽面對三峯佳氣勝概可坐而致于是斷然徙之夫革故取新固自可喜然民猶狃于舊俗能以仕進者寡粵自政和改元太師益國秦公預鄉貢選以職事口來負伊臬之器懷孔孟之業講解六藝啟後口口口口者成口得折衷春誦夏弦彬彬然有洙泗之風自是命鄉論秀賜第於庭者肩磨袂屬登樞府踐華口口口其人嗚呼師儒之訓其效至于是耶獨是歷時滋久廟貌昏翳蠶舍傾毀非所宜稱東平龔濤仲山履行端方節吏治以儒術凡有施設知所先後紹興壬申以右奉議郎出宰謁廟之初喟然歎曰創于前者欲美而彰承于後者欲盛而傳今鄉校若此有忝厥初人其謂何越明年八月乃率僚屬鳩工賦役儀門正殿講堂精廬雄深巨麗規模宏偉而又揭大觀八行之碑圖益公一德之像迺左迺右各有攸居櫺宇屹然可瞻可仰閏十二月丁亥告成集生師賓佐以落之且舉釋菜禮以祭于先聖先師口豆簋簋列于殿廡升降進退濟濟踰躑父老來觀低回留之而不忍去多士欲鐫石紀之以無忘今之口猥以見屬賓王忝桑梓義不獲辭然天下之事務其大者遠者則可書不然徒寫琬口奚益春秋之世魯僖公能修泮宮有史克者作頌鋪張揚厲惟敘其采芹采藻獻馘獻囚而已至若棟宇時制則略而口口口意固有在矣矧今日之事哉



吾知今之意不在挈楹計工夸耀一時也蓋欲後進方領矩步升堂□□詩書閱禮樂然後發策決科致君澤民以繼踵先達益知教化之所自來其所務者遠且大誠□□也于是乎書右碑正書儒林郎新充池州教授江賓王撰右從事郎□□書紹興二十四年三月一日立按石刻紹興十八年題名賓王與朱文公同登進士縣志稱時秦檜秉政賓王以對策忤旨列名四甲仕泰興主簿遷池州教授檜死方內補編修與龔濤竝稱名宦今碑云太師益國秦公負伊臯之器懷孔孟之業又稱龔濤修學告成揭大觀八行之碑圖益公一德之像擬人非倫圖景權貴豈名宦之所當爲志乘所稱恐未深考耳

忠烈廟碑

江甯金石記卷五

六

建業實江左一大都會其事繁職重在祀與民爲政者率皆先成民而後致力於神凡祀典所秩雜然不可縷數自社稷五祀四望四類六宗八蜡無所不當祭又有賓柴以祀五緯十二次標燎以祀中能上能狸沈以祭山林川澤禴辜以祭四方百物又有磔禳以祭飄雨壇壝以祭地祇瓢齋以祭水旱厲疫營鄩以祭國門屏攝以祭羣小祀中雷以祭室神又有菽俎以侑食復昨以涼福以至於十倫之義吁亦眾矣今大丞相觀文殿大學士和國張公來鎮此府下車之初獨首及卞公之祠何銓嘗求其說稽之漢則曰節行者國家之金城稽之唐則曰忠義者天下之大閑蓋導以德禮則人尙名義嬰以廉恥則人矜節行故父兄之臣誠死宗廟法度之臣誠死社稷輔之翼之臣誠死君上守圍捍敵之臣誠死城郭封疆夫人皆戮力一心伏節死



義則國家安固隱若長城是不亦節行者國家之金城歟秦以并吞八荒之心欲帝萬世然亡伏節死難之士有一茅焦斃不免虎口故沐猴一呼而天下土崩東漢之亂獻帝越在草廬曹操奉以爲主當是時天下已無漢矣而惟曹氏之爲聽姦斧逆鼎搏人而肆其酷海內凜凜以爲漢亡在須臾耳然殺一孔文舉而忠臣義士折首滅項伏死以爭終曹公之身而不得逞是不亦忠義者天下之大閼歟繇是觀之公之所以首及于卞公之祠其旨豈不深且遠哉公道德忠孝伏一世用不用爲天下重輕雖去國垂三十年海內至今歌思以相天子蓋缺釜之歎破斧也人皆惜姬公之居東而折箠以笞赤眉也天豈容高密之久外況其高勳鴻烈藏在盟府視古人何愧焉而其意方將尙友古人歉然若不足孔子曰志士仁人無求生以害人有殺

江甯金石記卷五

七

身以成仁孟子曰生我所欲也義亦我所欲也二者不可得兼舍生而取義者也公之意豈不端出于是仰惟無隄之輿展義吳會翫歲惕日雖臥薪仰瞻而未見死綏之節雖寢草枕戈而蔑聞執兵之陪顧甌脫之警日聞復讐之期未指而土氣委靡詰竄偷生則苟而可微公崇尚名教以砥礪頹風則孔孟仁義之談絕何其不埽地也哉嗚呼尙忍言之或謂銓子言信矣敢問殺身成仁與舍生取義二者同異銓曰不同夫仁人於死生無擇故能成仁義士於死生有取舍焉故止能取義殺身成仁夷齊以之舍生取義子路有焉故結纓而死未能無擇雖然夷齊遠矣有志乎古者或可企及不然猶不失爲魯仲由也卞公其何歉焉卞公諱壺字望之其大節舊史詳矣故不復識紹興

三十二年歲次壬午十二月朔



東晉死節之士卞公爲最顯忠獻公爲之立祠忠簡公爲之作記忠肝義膽千載鼎立記成而忠獻趨召碑未及建今五十年矣忠簡之子澥將漕江左俾鑰書之將登于石鑰何人而敢與此顧以平生慕卞公之節義恨不及登忠獻之門而叨末第時受忠簡之深知實門下士也茲乃幸得以惡札託名於不朽故謹書之嘉定四年歲在辛未臘日

度既修卞驃騎廟改作忠孝堂胡忠簡公之子轉運判官澥刊忠簡公驃騎廟記立於堂之右序記忠簡公爲張忠獻公作五十年矣始運判命書石良疾作不能執筆恐稽緩事運判乃以屬參政樓公度與參政皆癸未進士於忠簡公爲諸生皆應書因念靖康之變忠獻主戰始終不易忠簡首建正論以犯謀臣而得禍酷忠義節操與日月爭光天下之士悅之惟廟之適廢與人之相先後與碑之末皆非偶然者運判使度識其歲月故書而刻于石之末五年二月旣生魄越翼日辛巳男奉直大夫江南東路轉運判官澥立石

江甯金石記卷五

八

右碑左奉議郎新權發遣饒州軍事廬陵胡銓撰文作于紹興三十二年越五十年忠簡之子澥始得囑正奉大夫參知政事兼太子賓客四明樓鑰正書刻石記云和國張公謂張浚也辛楣先生云周禮大宗伯以實柴祀日月星辰注故書實柴爲賓柴此碑正作賓从古文也忠簡子澥爲江東轉運判官本傳失載其名

建康府溧水縣重修正顯廟記

溧水東門之側有廟曰正顯蓋城隍神白君祠也君諱季康唐元和間人爲官清白通濟凡作四縣令而終于溧水雖歸葬下



邇然溧民尸而祝之數百年不忘卽縣治爲祠水旱疾厲必禱焉五代亂離未有封爵皇宋一天下而茲邑望京師餘千里亦不暇上聞天子省方東南屢幸建康光暉所照百里而近神之受職厥有顯報紹興十年故戶部侍郎李公朝正實宰溧水有祈必獲以聞於朝錫廟額曰正顯始以陰功受帝命書後進封廣惠侯緝章信珪列于五等神旣嘉享民皆具依乘蠶不訾歲得大稔鰥寡有養奸宄滅息民德之益深率以府君名其子也邑人錢秀朱扑等以廟宇朽弊徧走大家傍及喜捨寸積銖累日漸月溢增新廣舊不陋不華爲外門三楹中門如之正殿三楹後寢亦如之扶以副宇繚以周廊獻殿處中露臺高峙丹青繪事輿衛悉備炳煥光采標冠一時口屋五十間歲四月十有八日邑人記侯誕節競爲侯壽鏡歌鼓吹旌蠶節斧森乎其前

江甯金石記卷五

九

驅僊釋威儀倡優技巧駢然而次進侯臨之如生邑人榮之竊嘗以謂幽顯一途神人同道生而廉正歿則必僊否亦爲神積功儲行列于上清如府君是已於少傅樂天爲叔其家法可知也以丞相敏中爲子其義方可知也丞相出入將相垂三十年府君在當時已贈至極品而史不書端朝淨家南來卜築溧源起居飲食皆神之庇邑人以紀事見屬夫其可辭詞曰

於惟府君唐之良吏有德於民宜祀百世偉哉廟貌在城之東萬石之虛千柱之宮羽衛森嚴丹青顯設緝衣鷺冕玉戚金節侯之蒞止風雨肅然顧我溧民奉祀惟虔侯之諱止笳鼓爭進願我溧民塵拳斯盡侯旣醉止氣斯太和年豐俗樂民飽而歌侯旣歸止閭里咸仰尸而祝之家有遺像少傅之叔丞相之父中興天子典冊斯舉在唐有聞在宋有光佑我溧民億載無疆



碑未刻刊  
者潘壽隆

右碑分書在溧水左承議郎提舉兩浙路市舶王朝端  
詞并書乾道元年冬十一月甲子左朝奉郎知縣事李  
魚立石

### 晉卞公祠堂記

江甯府之天慶觀吳冶城地也有晉卞忠貞公墓在焉按公諱  
壺官至尙書令右將軍蘇峻之難與其二子力戰死之諡忠貞  
葬冶城後七十餘年盜發公墓尸僵如生鬢髮蒼然爪甲穿達  
手背安帝賜錢十萬封之入梁復毀武帝又加修治李氏有江  
南建忠貞亭於墓北穿地得碑公名存焉徐公錯實爲之識本  
朝慶厯中知府事龍圖閣直學士葉公清臣又封墓刻石表之  
改亭名曰忠孝後五十年子來守是邦卽亭爲堂圖公像其中

### 江甯金石記卷五

十

列之祀典春秋祀焉或曰將軍死綏職也自古伏節死難之臣  
衆矣何獨祀公哉予曰不然晉自渡江崎嶇百年王敦蘇峻桓  
溫父子相繼稱兵內侮其弱甚矣敦峻之亂自劉隗刁協庾亮  
啓之然寇至輒遁王導亦避峻出奔數人皆執政大臣或元舅  
故老一時之望而倉卒之際委主于賊苟求自全況其下者哉  
此無他自西晉以來清談盛而節義廢故學士大夫不以苟免  
爲恥公於是時獨能見危授命破國爲家其過人遠矣矧公剛  
烈鯁直見于平生王導貴重雖天子猶卑下之而公數攻其失  
可謂柔不茹剛不吐者矣至於當官幹實以矯革放誕敦崇名  
檢爲任其志豈苟阿時好以取容流俗者哉及亮之召峻舉朝  
知其不可而莫敢正言公獨固爭不從卒蹈其禍蓋其始終大  
節如此異夫匹夫之勇効死于一旦者矣雖更萬世聞其風者



猶將感激奮厲想見其爲人況神靈所依拱木猶在祠之所以慰忠魂於地下興節義於衰俗豈苟然哉在禮以死勤事則祀之歷代之制賢臣之墓芻牧有禁維公所立實應二法況乎遠論隨會見思九原近稽遠巡血食雙廟則公之得祀夫何歉歟堂成賓屬曰願有識子不得辭乃併著所以祀公之意使來者有考云

曲阜文昭公以元祐八年自彭城鎮建業明年移河閒經建炎兵火記口口失之見於廟壁後七十有六年得番陽章甫隸移之石

乾道四年三月壬申左朝散郎直顯謨閣權發遣江南東路計度轉運副使公事兼本路勸農使趙彥端左朝請郎尙書戶部員外郎總領淮西軍馬錢糧專一報發御前軍馬文字葉衡左

江甯金石記卷五

二

朝奉郎充集英殿修撰知建康府事充江南東路安撫使馬步軍都總管兼行宮留守司公事兼沿江水軍制置使史正志立石

卞忠貞墓在台城之西曾文昭公因墓剏祠初以嵇紹配食陸放翁謂紹死惠帝時在下公前而以配食非也遂罷嵇祀祠堂記署云左朝請大夫竇文閣待制知江甯軍府事曾肇撰曾公爲侍從四十年嘗諷上選忠信之士實諸近班以參謀議備顧問至貴近惡其語公之所以特立此祠者實欲正人心勵風俗其志豈在奏毀淫祠下哉

李仲春題名

今率掠到鳳城崇禮兩各社人戶淨財重新建立石闔梟并鐫



刻門神二位今已圓備所集善利乞保各社捨財人戶人牛平善永充供養右伏乞聖聰俯賜照鑿昔涪熙改元歲次甲午正月望日都會首李仲春題

右題名在上元通濟門外廣惠廟石門之上中云都會首亦猶漢唐人稱都會長都維那也

### 瞻園普生泉石欄題字

普生泉涪熙丙午邵永堅建

右泉在江甯藩署盛仲交金陵泉品未收俗傳徐達女妙錦不受文皇聘投此井死因封閉故久無汲者戊戌夏秦淮斷流而此井不涸偶與辛楣先生言及先生過訪陶梅軒方伯搦其題字爲文以記云藩署瞻園有古井石欄隸書十一字曰普生泉涪熙丙午邵永堅建按

### 江甯金石記卷五

三

宋孝宗在位二十七年改元者三隆興二乾道九涪熙十六丙午爲十三年到於今春秋將六百矣滄桑陵谷幾經變遷而此井獨存改邑不改井豈不信哉顧舊井地偏幾嗟无禽今夏缺雨方汲之以灌花供爨解不食之嘲獲受福之吉所謂養而不窮者也因搦其書裝潢成冊將以徵詩歌焉弁數言記之噫勞民勸相井之功也短綆汲深政之拙也居斯署對斯井尙其鑒諸未幾方伯以事去官胥吏以爲井崇仍請封閉其實非也按劉純之存徵續錄云徐中山王季女妙錦端靜有識長姊仁孝皇后次姊代王妃妹安王妃洪武末諸藩不靖代王被逮妙錦感悟誓不適人親王求婚皆拒絕之仁孝崩文皇聞其賢欲聘爲后命內使女官往諭旨妙錦



稱病不出女官直抵榻前不得已乃徐起曰吾無婦容  
不足備六宮之選內使歸妙錦卽削髮爲尼文皇聞之  
竟虛中宮不復冊立洪熙改元乃返初服宣德初仁廟  
張太后自入東宮時聞其高潔心加敬慕乃徵入朝旣  
敘戚里恩自稱徐達第三女肅拜端凝不失跬步太后  
以下皆尊敬之隨遣內使護歸正統中卒耐葬鍾山先  
塋之次據此安得有投井之事乎俗語不實流爲丹青  
因詳書其事以示攷古者

### 小倉山下井銘

鑿竅山足其泉如玉匪江斯流泄竇幽谷利物咸蕲天機感觸  
泥滓之腸以浣以沃

右井在上元小倉山下銘刻行書大宋嘉泰三年五月

### 江甯金石記卷五

三

十八日管諸軍都壕事官將口口監造觀家歸求草堂

去此山不及三里其間有城市山林之趣恆與孟貞弟  
月一至焉往返多年不知大道之側有此刻石子集金  
石雖遠在百里之外自謂無有遺漏惟此得之獨後始  
知古跡之蔽于耳目之前者蓋不少也

### 白雲崇福觀記

句曲江左名山洞天福地以茅君隱而仙是稱茅山有積金峯  
當西一面積金之支右轉而特起者白雲之峯也道俗相傳嘗  
見其草木後凋煙霞在望然東西兩山靈宮闕宇各奠所宜茲  
曠弗卜顧有待耶紹興中華陽道士王景輝披榛棘鑿巖厓室  
于峯之下俄以行志修潔聞乃卽其居錫崇福觀頽暨白金莊  
田饒益之俾展其成於是甃壇場班像設有門鼎峙有亭翬飛



堂皇深密廊廡袤延重樓傑閣雲層巍峩前闢端逵松杉行列如蓋如幢有赤山湖軒豁面勢崇岡秀巒左顧右揖鬱鬱杳杳映帶清深而居而游如脫紛拏如蹈仙墟中間方壺丈室上親洒翰揭以虛靜與夫紹興以來四朝錫予寶鎮泉石人間世事待有大福德力作興風雲會合殊勝然後底乃績令其徒居之思有以稱亦反其初而已大林邱山之善於人也亦神者弗勝然而道者託焉昔之爲道術者棄絕乎名勢利欲精專乎身心性命唯忠入焉不深且密也待其行成一朝蛻去人方兢兢然持其所棄迹其所蛻以駢矇其隱約鼓鍾其沈潛影響其清風素節而冀得其人如初乃亦甘心焉豢其養尸其居美其衣食寢處如世俗轉復爲名勢利欲所愚而道術安在是山不特茅隱二許楊陶之遺地不改址往往蓬戶桑樞霞餐柏食託於人所不堪顧自有丹臺絳宮抱玉懷珠在開白雲者必不專以外境遺子孫也谿之從子挺往來山中人境俱熟道士周復觀京溫高弟求記其師之功緒甚力乃俾挺序次其見聞因附見吾說觀復持歸告語其徒庶有警焉以復其初嘉定四年九月望日記

江甯金石記卷五

西

右碑行書徽猷閣學士正議大夫提舉佑神觀兼太子詹事兼修國史兼實錄院修撰戴谿撰朝奉郎守起居郎兼國史院編修官兼實錄院檢討官兼侍講黃中書正奉大夫守吏部尙書兼修國史兼實錄院修撰兼太子詹事曾換篆額在茅山白雲觀

三宿巖題名三則

嘉定丁丑中春厲元範行書



丁丑重陽前日趙伯林張元瑞宋可行

行書

重陽後三日堅濯浚

行書

江甯儀鳳門外有巨石舊爲江濤激盪衝嚙嵌空虞允  
文出師艤舟三宿于此因此得名相傳有宋人題名曩  
與友人孫廷松徘徊其下遍訪不得後乃于幽闇石窟  
中見此三則爲之狂喜手拓以歸今巖去江澗不啻四  
五里因江邊沙壘爲洲漸成平陸非復當時之舊可以  
維舟已

### 方山上定林寺之記

古者四民各有所居故居士於學居農於田居工於肆居商於  
市是時釋老二氏未興其奚居此王政之所必無也逮漢之東  
始居僧于寺歷代相因訖于今釋教之盛極矣凡城郭山林寺

### 江甯金石記卷五

五

之占勝者多而其徒之居山尤爲人所重豈不以是道之妙非  
求於寂寞之濱則不可得苟其徒不以精勤枯淡爲心亦必不  
能久安於此其取重以是乎方山上定林寺蓋卽山而居者也  
當乾道末年有秦高僧善鑑始來是山結廬行道未幾遠近慕  
施者踵至于是率其徒疏泉蒔松徙石闢塗土木之工次第而  
舉無何有殿以奉佛有堂以會法有室以安衆以至門廡庖湏  
莫不畢具方其事之權輿也卽詣府請移鍾山梁朝廢寺上定  
林額于此其地故有山川登臨之美爲荆榛所蔽爲狐狸所嗥  
爲樵夫牧子所過而不睨不知幾年一旦雪脊朱甍隱然出於  
煙霏空翠閒號清淨伽藍信其地有待歟鑑尋示滅其弟子義  
瓊主之已而今義城代焉絲薦得人閱三十稔隄瀕河之田而  
歲有計建轉輸之藏而日有資此其師疇昔之志卒待瓊城而



後成其勤至矣洎城領事猶以身先人蓋思備其所闕壯其所居以稱其山之高且大也駸駸乎與諸雄剋亢一日踵僕門告曰寺之成已久曾無紀述惟累世經營之難恐寢就曖昧子與我善且習知其詳盍記之僕固辭不獲則爲敘其本末又從而爲之說釋氏以寂滅爲宗以苦空爲行以慈悲爲願以遠去塵囂爲高從上諸祖師以是道密相付屬故其建立往往在巖谷荒寒之境疑若過清難居而必棲其徒于此者蓋使其朝夕所接不見異物無害於心惟佛法是求如此則於一切經行坐臥去處覺水鳥風林無非宣揚第一義諦惟恐山之不深林之不密此所以爲真實堅固不可退轉也歟今定林爲寺誠得其所而鑑之遺範所謂向饘頭邊取人者耶

碑未刻住山義城立石

右碑行書在本寺免解進士建康府校正書籍朱舜庸

江甯金石記卷五

夫

撰迪功郎新平江府錄事參軍秦鑄書從政郎辟差充江南東路安撫司准備差遣危和篆額嘉定十三年正月立按舜庸江甯人積金陵事實二十年慶元六年留守吳琚得其編成建康續志其文傳于今者僅見此篇春容大雅可以窺見一斑矣

重修建康府教授西廳記

余同年進士諸王宮教授四明范君之子允分教金陵貽書於余曰金陵學宮舊唯一員今西廳是也紹興初留守尙書石林葉公以行都請增置故東西對立西廳歲月最久棟宇寢壞殆不可居允到官之初懷一日必葺之念而未敢及其私旣七月學政粗舉始請於郡留守侍郎隆興李公慨然與念捐金與財委吏督工撤而新之其規模位置受成于允而財物出入則有



司存經始於嘉定十四年十月之庚午落成于十二月之丙寅  
舊門由學宮以出今易而南面直秦淮橫挹鍾阜朝夕縱覽心  
目開明亦足自壯幸爲我記之余辭不獲命因廣其意以復之  
曰天下之理內外本末初無二致君子居室一日必葺亦猶吾  
身心不可須臾不加省察而使各循乎理也故積基而堂架梁  
負棟室奧深嚴門戶無壅君子之居也正其衣冠尊其瞻視望  
之儼然卽之也溫君子之容也如鏡之明如水之定泛應縱橫  
無適非正君子之心也自內以及外由末以求本豈容易觀哉  
子之學既得于家傳又能從先生長者遊其必有見乎此想其  
橫經退食招諸生登斯堂燕私從容凡心目所寓亦必講明乎  
此不然則一室之安一身之便耳豈子之志哉

右碑行書朝散大夫起居舍人兼國史院編修官兼實

江甯金石記卷五

七

錄院檢校官鄭自誠撰并書宣義郎充江南東路轉運  
司幹辦公事趙與勤篆額嘉定十六年正月立左縣學  
大成殿之左碑云請于隆興李公者李大東也按景德  
建康志云天聖間建學置教授一員紹興九年因左丞  
葉石林奏照西京例增置一員分東西廳東廳在學之  
左西廳在學之右有淳熙四年張汝楫所撰總題名記  
今莫知所在矣宋史職官志但載列郡各置教官而京  
學教官有二員略之不及亦其疏也

建藏經記

勅額治平其來遠矣因初師登覆鉢之地故後人營環堵之宮  
左眷金陵傍鎮驛道祝龍救旱靈感六朝蓋古石書有可考焉  
自嘉定之已卯有檀越李子清者距寺不二里占籍寺東古彭







入寺于向知寺中碑碣外又見嘉定十七年七月十五日僧寶華撰建藏經記又元捨田記二碑讀竟登山山形聳秀煙接雲垂上名翻經坪可西望城市東挹清化關南眺天印絳霞諸山同眺移時而返是日從遊者願以忠張珠談粹十月六日巖觀記

句容縣五瑞之碑

特秀之芝兩歧之麥同本之竹竝蒂之瓜蓮有一于此足爲上瑞況五者來備乎然則邑大夫與其同僚所以召和迎祥者亦必有道矣紹定己丑寒食日漫塘叟劉宰

寶慶丙戌邗城張君侑來宰斯邑越兩歲而五瑞集焉士民歌誦盈耳蓋自有不能己者漫堂聘君劉先生言語妙天下平昔不輕許可其歸美于感召之所自者信矣山陰王令君亦有君

江甯金石記卷五

十九

語暨諸賢序贊連篇累牘未易悉紀大夫初不自矜至有謝同僚之詩曰賸喜聯官忘爾汝故念元化奪胚胎及惠邑士之詩又曰山川清美天下稀五瑞同時盡紀碑碑上只言人物盛若言德政愧無之吁大夫其謙矣哉是歲五月既望免解進士充縣學學長江千里謹書

碑末刻句  
曲司成刊

右跋正書按張侶稱句容名宦紹定元年開放生池是年有五瑞之異邑民仿漢仇靖頌武都太守李翁例圖狀刻石以紀瑞應劉江二跋刻于其下碑在學宮內讀侶惠邑士之詩歎其有循聲異績而不矜不伐誠人之所難能也

顯應閣記

咸淳二年余叨恩來試茲邑是歲之夏淫雨連月漲潦爲沴縣



官徧走羣祀無虛日而未應也余乃袖手叩顯德公之祠躬致其懇未幾陰氣條解晴曦在天蓑邊犢外始有生意既而彌月不雨民又以爲憂余復款謁邀惠是夕大雨三日乃止槁者興秀者實迄用康年嗣是歲仍大和五穀胥熟邑人感神之貺相與捐力度材卽廟之東偏有崇崗創傑閣數月而後訖工美哉輪奐斯翼斯飛士民造吾而請曰白君昔爲邑長於斯歿而廟食於茲土自唐至今餘數百載我民凡有祈求必禱焉禱之未嘗不吾應是以事之惟恐其不至也今祠宇亦旣孔曼且碩願茲隙址尙可營創於是爲閣三間以爲出遊來歸之所扁之曰顯應閣表章所以神之靈也願得一言紀其事公其無辭於戲神以丞相敏中爲之子以太傅香山爲之姪生能澤其民死能福之久而弗墜以有封爵若舊記實錄之所稱述與夫累朝誥詞之所褒嘉者可攷而知民之於神焄蒿悽愴以極其思荔丹蕉黃以致其敬猶以爲未足也乃建是閣揭是扁庸侈後觀可謂無怠於報事而欽於世世者矣抑余因思始至之歲爲民禱晴而晴禱雨而雨其應捷於影響非聰明正直闡闢造化能如是乎然則神之應應之顯蓋可類推是名也信有以稱其實矣遂書以遺邑人俾刻之石

右碑正書周成之撰咸淳二年立在溧水

白乳泉

試茶亭

右題字在棲霞千佛嶺下江太守恂稱其筆力遒勁直  
姬漢人雖未署書者姓名及刻時歲月周應合已採入  
建康志因錄于此



元

句容縣重修學記

昔范公純仁知襄邑學校皆一新之擇鄉之賢者以董其事教聽正之口每親至學而加勸誘公口載在汗青而邑學之子若孫德公者厚句容爲金陵屬邑學在縣治之東始建于唐之開元中口口教日以隳迨宋皇祐二年常博方君口君茲邑且陋與圯口有新意既邑令某君表乃改卜于驛面挹三峯寬閑爽塏則元豐二年也紹興而後尹加意于學校者如龔如俞如吳修學各口于時來者有稽欽惟聖朝口口區宇文治開明是學於口燬後復得主學尹今謝起東力任起廢用功有漸殿宇已完口峯王公按部委邑令何君源力勉諸儒以迄于成厥後職教者視如傳舍循至傾踣口口至元口兀顏君瑛來宰是邑寬以愛民恭而下士口先聖于學宮顧瞻殿宇橈壞粉堊剝落慨然曰設學以化于邑尹之事謀之學舍口者口口均其力莫不聞風而應命教諭翟之祥端雷震陳炳度木鳩工不兩月而廢者興矣自大成殿至明德堂從祀齋廡櫺星戟門廩庖滷糜不完葺又捃西偏別屋三間爲學子游息口樞使澹庵張公扁之曰芳潤是役也士悅而民服其有弦歌之漸乎尹之嘉惠學校至矣而紀其實者教諭董欽許濬與邑士來述其事屬文龍爲記承乏鄉校誼不得辭姑摭其概以告蕭口曹隨其碑范公專美云

江甯金石記卷六

一

右碑行書建康路儒學教諭口文龍撰句容縣尉董信

書將仕郎句容縣尉蕭善象額元貞二年七月立元制



縣分上中下三等上縣又設達魯花赤掌縣印以知縣  
爲尹掌判署事上縣置丞中下只設簿尉句容元之上  
縣也碑云尹加意于學校如龔如俞如吳者謂龔濤俞  
洞吳琪也濤字仲山東平人紹興二十四年縣尹洞涇  
熙九年縣尹琪括蒼人紹定開縣尹皆邑之名宦

### 僧覺春題名

當寺南觀音院徒弟前山門首座僧覺春爲見本寺三門地面  
年深損壞不堪行履由是發心謹抽衣資收買磚灰作料命工  
除剔舊磚重新發砌總計八間及油飾等今已畢工集茲良因  
上報四恩下資三有者皆大德七年歲在癸卯解製日圓滿謹  
記

### 右題名正書刻于崇明寺莊功德記之側

江甯金石記卷六

二

觀世音菩薩傳略

并像

觀音生西土諱妙善妙莊王第三女也生而聰慧斷葷持戒將  
笄王欲招婿觀音忤旨王窘辱之擯諸白雀寺命僧驅役如奴  
觀音志益堅甘勞瘁若有神代之者僧聞于王王謂誣縱火焚  
寺五百僧皆煨燼惟觀音端坐火中誦經不輟王乃召還反覆  
譬曉之觀音上白以生死故王愈怒押棄市刀自折虎咆哮負  
觀音去寘之林中未醒夢青衣二童引至酆都見所謂閻王者  
迺送極恭見罪人剉燒春磨苦楚狀爲之誦經得釋比覺林中  
毒龍惡獸各相驅逐遂欲別營一齋忽老人啖以仙桃導至香  
山于此修煉數年成果也一日坐齋中遙見父王病瘡瀕死懸  
金購醫莫有應者爰幻形爲僧詣闕奏必得至親手眼可療至  
取諸二女不用命僧復奏香山仙長濟度羣生誠一開口手眼



可得王遣使求之仙長慨然斷手眼付之持歸僧和藥以進王服之卽愈大喜拜僧高爵厚賚不受但云仙長有大功于王且日不可不自往謝王命駕往見仙長果無手眼血淋被體且駭貌肖觀音必三女妙善也悲慟顫天完之少頃仙長手眼已千數矣于是觀音下拜與王敘父子甚驩勸王修善從之後亦同沖舉也觀音居西天入佛會常開救苦之門廣示有情之路遍觀古今之世音普察人間之善惡故有觀世音之號云

戊戌初夏與友人王小石作清涼山下之遊得石碣一高二尺許乃趙魏國夫人所畫觀音大士像上方楷書觀音傳略後署大德丙午春三月清明日吳興弟子管氏齋沐焚香拜書法像端嚴字畫秀整相與讚歎得未曾有夫人名道昇字仲姬吳興人趙孟頫松雪集稱其

江甯金石記卷六

三

翰墨詞章不學而能心信佛法手書金剛經至數十卷以施名山名僧此本殆當時施諸寺中者也因奉置于左所葺地藏庵內曩見北史王邵傳云文獻皇后崩邵上言大行皇后聖德仁慈福善貞符備諸秘記皆云是妙善菩薩不解所謂讀此傳乃知妙善卽觀音之名耳

加封孔子碑

上天眷命皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加封大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄明言之妙尙資神化祚我皇元主者施行



至大元年月實日

右加封詔書正書在江甯縣學戟門內別速臺書文載元文類係閻復撰按詔下于大德十一年九月刻石流傳至今尙多卽觀之所見已二十三通文同而字體篆隸正行及蒙古書不一然多遜此刻當以建康學冠江南故較他處猶鄭重也碑陰三列上記立碑年月巾下紀人名

加封孔子碑陰

夫子之道亘萬世其無以侔大欽惟國朝文致太平先皇帝加號追封綸言播告周天之下所在郡縣學咸刻金石奉揚休命惟建康有學雄冠江南臺察簽議刊立豐碑庇以隆棟用稱尊崇盛典乃構亭於櫺星門外泮水之濱輪奐翼然與廟學相輝

江甯金石記卷六

四

炳旣訖事并列府臣文學臣氏名於碑之陰皇慶二年八月日

立石

奉議大夫江南諸道行御史臺監察御史臣別速臺書并篆蓋

第一列  
行書

將仕郎建康路總管府提控案牘兼照磨承發架口臣燕口將仕郎建康路總管府知事臣丁從禮承事郎建康路總管府經歷臣李原承直郎建康路總管府推官臣許士常承直郎建康路總管府推官臣鄧衡承德郎建康路總管府判官臣的斤奉議大夫建康路總管府治中臣察罕少中大夫同知建康路總管府事臣沙的少中大夫建康路總管兼管內勸農事臣王鏐奉政大夫建康路總管府達魯花赤兼管內勸農事臣瓜都

第二列  
正書



建康路儒學學錄臣胡助建康路儒學學正臣賈汝霖

建康路儒學教授臣張拱辰

第二列  
正書

建康路句容縣重建學記

至元丁丑江左既平詔置行臺揚州於以正風化而新民彝也  
今翰學西臬趙公爲侍御史實膺持憲之寄後三十年其子靖  
初筮得句容尹亦維揚分邑恪遵嚴範力于政而躬于廉首以  
風化之原繫于學學政未舉心撫字而職承宣者能追其責歟  
暨監邑簿佐捐俸金勉以率衆儒人唐思謙王起龍等餘六十  
人咸知尹君見聞之早淵源之富說以聽從而服其役爲禮殿  
崇諭舊者及尋深廣稱之賢廡崇廣皆倍其舊講室爲楹五翼  
以四齋楹入圖書禮樂各有庫戟門櫺星門凡再重而闢則十  
二中外煥新規設一合於禮二年甯告歸公詢其爲政之要喜

江甯金石記卷六

五

之走書歷下諉構以記構惟三代之學不可見而三代之所以  
爲教者布之方策既詳且著黨庠里序等而上之無非教也萬  
家劇邑介乎江浙華庶之鄉業兮新宮雲敷霞峙袞服當座侑  
享從祀以序教之有方養之有漸紳佩羣集時肄季考絃誦之  
音既聞而揖讓之儀重見豈庸庸所能辦哉不患無功患人不  
爲以君之雅才通識泓然詣理擴其所施宜有大于此者宜其  
不詭流俗不懾浮議不骫骳以躡人之後也善良則扶之豪猾  
則斥之歲離于飢豫言以防災賦非土產亟請而獲免一念之  
頃莫非爲民而庶工庶獄能飭能詳次以咸整亦三代先教後  
刑之遺義歟君將南還升堂振矩爲諸生講正學以恢道統方  
春夙駕行井里告之以孝弟忠信抑其末而本是從俗近鄒魯  
自昔而然革其囂譎悉如舊俗志願斯畢矣雖然昔賢之事業



光偉卓犖垂範于世者非一載其位食其祿不有以振起之則日以隳裂莫可禦已荀氏慈明陳門季方龔雍熙之軌而出應世用皆足以準的羣倫又何暇于他取哉句容之人何其幸歟

碑末刻典史張天裕陳圭句容縣尉劉仁毅進義副尉句容縣主簿畢拜都承事郎句容縣尹兼勸農事朱全忠顯校尉句容縣達魯花赤兼勸農事答

迷失立石昇人鄭梓鑄

右碑正書翰林學士承旨中奉大夫知制誥兼修國史王構撰承德郎江南諸道行御史臺監察御史潘汝劄書并篆額至大二年五月望日立石縣尉劉仁毅金陵新志誤作劉毅應从碑爲正

### 建康路文廟祭器記

夫先王之立禮也有本有文忠信禮之本也義理禮之文也本以主乎忠而不敢懈文以口乎外而不可闕所謂無本不立無

江甯金石記卷六

六

文不行也矧器數制度莫不起於時之宜事之當而有以成施於祭祀必盡已以實內外一致方能感格斯五禮中尤爲難者其本與文一或有闕則誠亦不至雖勉卒事不陷于如不祭者幾希是故擴忠信義理於齋莊恭敬拜起坐立儀不少愆者亦本之所以立也簠簋籩豆行列有數物不少差者亦文之所以行也故曰器有一之不備則禮有一之不行是以本旣立矣文旣行矣內外交盡禮不虛矣明則人物懷其仁幽則鬼神饗其德必至乎是則祀事孔明庶無悔矣建康爲江南名郡又臺察佐焉廟貌巍然學校修整祀器毀於大德壬寅之火存者什不二三若弗補完是文不行於外而內雖有本安得獨立耶我堂堂聖元大興文治加封孔子報德報功隆禮丁祀有司奉行固不敢不致如枉之誠然而黍稷之馨弗實于簠簋水土之品弗



登于籩豆雖曰明德惟馨亦奚指彼以明此哉於是臺察上下  
議論僉同遂命提學官本路治中也先普化購銅訪得冶金之  
擺工者仍俾董其役既成形製高古凡三閱月而功畢岬於至  
大己酉之良月以數計之一千八十二可謂大備矣噫器之一  
具也粢盛庶品一或不登無以表其明德今器既具矣庶品既  
登矣誠或不足於有事之際雖黍稷之馨神亦不饗所謂誠爲  
實禮爲虛也有事于籩豆者可不謹乎校官游鄭良學正方機  
學錄劉應參懇求文石辭弗獲免忘其固陋爲之記碑末刻建  
康路儒學  
張拱辰立石郡人鄭梓鑄

右碑并陰俱正書在江甯學宮前國子博士從仕郎江  
南諸道行御史臺監察御史劉泰撰承德郎江南諸道  
行御史臺監察御史潘汝劼書奉議大夫江南諸道行  
御史臺都事杜溥題額至大三年九月立

江甯金石記卷六

七

碑陰

祭器總目

坵壹百貳拾

簠壹百貳拾肆 蓋全

豆壹百柒拾肆 蓋全

犧尊陸 象尊貳

壺尊陸 大尊貳

山尊貳 著尊貳

龍杓壹拾叁

鬯洗各叁

大香鑪貳



大花餅肆

總計壹千壹百有陸

建康路學祭器總數之記

始建康學鑄祭器若干以爲大備御史劉公泰爲之記會教授張君拱辰至有事于上丁陳其簋尊豆罍爵不合儀式顧猶有闕者退謀之提學官治中梁侯也先普化曰吾嘗不滿于是君意雅合弗可以弗完爰稟憲臺復購銅召舊匠開冶命學正賈君汝霖董其役凡三月畢工教授俾助以數具書于石庶來者有考焉按簋貳副簋一副爵二十一坩五十有七此南唐舊物僅存者爾山尊二著尊二大尊二壺尊陸象尊六犧尊六罍洗三副龍杓一十三坩八十有二爵一百丹九豆一百七十有四副簋一百二十有二簋加簋之數而加一馬大鑪二大餅四五豆一百丹九此後鑄之目舊新後先總以件計一千四百一十有八器至是始備惟張君主席三年以教以養以興以補臺評士論翕然稱之若他役倍是不書而獨書祭器者尊禮也可謂知所重矣助之不敢不書以是夫

碑後刻  
劉粹刻

右碑正書在本學建康路儒學學錄胡助記并書皇慶

二年春正月哉生魄建

建康路三茅山崇禧萬壽宮記

華陽洞天自茅君以神道設教瑞人神士不可梯接者代有人焉歷考其閒惟隱居陶真人立館以處高弟所以啟佑其後人者爲最盛今之崇禧觀隱居曲林館也唐貞觀閒太宗以昇真王真人有潛藩之舊且嘗師事隱居遂建太平觀以居之賜田



與山贍其學者殫錢鋪粟月給所轄宮觀十有二宋政和三年始分田以給之使自養其弟子具載山志宋改太平觀爲崇禱揭虔妥靈有盛無斁式克至于今日廣殿修廊宏宏轍轍棖題牖栊之飾旛花香火之供千餘年間其崇奉未有如此之盛者也於皇三君威神在天陰騭默相華陽道派如魯洙泗世有升降道無升降時有顯晦道無顯晦陶真人之子三君也神交沈寥之上王真人之子隱居也心授問答之間縣縣延延往過來續千載如一日皇元肇興天兵南渡神明所扶壇宇如故心遠鄒君道元若造物者擬其人爲時而出叫閭闔于九天之上上方偃武修文以清靜爲壇以慈儉爲宇垂意元教命鄒君道元掌教事盡護諸山厥後東澗洪君宗源復陽楊君元澈碧泉蔡君德溥繼繼承承用保有累朝之寵命俾熾而昌皇慶初元春

江甯金石記卷六

九

南塢陳君志新入覲上覲天光于清都紫微之間承九重之殊渥荷眞人之美名上賜金襴道衣以爲身章延祐四年秋南塢君私竊自念崇禱道場自昔總轄諸山實爲上帝垂休儲祉之所不有以表章之何以明有尊乞陞崇禱爲宮白之集賢諸公以其事聞于朝嗣歲陞辭還山上復降香以榮其歸延祐六年八月廿二日玉音自天而下賜號曰崇禱萬壽宮元教大宗師上卿大眞人吳公與有功焉是日也榮光異氣上燭層霄崇山峻嶺咸有矜色眞人陳志新率羽士稽首再拜于道之左對揚休命曰明明天子萬壽萬年實與太元司命君自混沌溟滓開闢之始赤明龍漢浩劫之前俱以願力裁成輔相以左右民雖今昔殊時幽顯異迹其受命于皇皇后帝則異世而同符也于虛休哉旣而冠巾之眾如出一口而祝之曰陳眞人自隱居陶



真人立館以來既嘗爲太平觀矣又嘗爲崇禧觀矣上賜今額甚盛舉也他日秉國史之筆者繫年繫月繫日大書之曰改觀爲宮自南塢真人陳志新始其皇恩如天將何以報塞耶惟我真人在帝左右必敬必恭早夜以思弼成元功庶其有以荅君師寵綬之造而真人亦有無窮之聞真人曰三君之靈也吾皇之賜也臣何力之有焉敢不敬恭以從祝規延祐柰年夏四月南塢君俾去疾紀其事以傳方來去疾謂必有山元卿其人而後爲新宮銘草野之文何足以紀盛事辭不獲命乃舉前說爲之記而又薰沐係之以詩曰

自有宇宙有此山開山者誰高辛氏耿耿祉哉大元君天之輔相民怙恃曲林舊館陶真人潛德幽光發千祀山圖飛上天皇家雲漢分章來萬里煌煌崇禧萬壽宮巨扁鸞飛羲獻字鳳歌

江甯金石記卷六

十

鶴舞鏘鈞韶山川鬼神共歡喜物不疵癘年穀豐乾坤清夷風日美皇帝怡愉奉太皇萬年億載自今始

碑後刻宏道明冲靖真人同主領三茅山

諸宮觀庵院住持崇禧萬壽宮陳志新立石江左鄭梓材鐫字

右碑行書從仕郎鎮江路錄事致仕王去疾爲文前翰

林學士承旨榮祿大夫知制誥兼修國史趙孟頫書并

篆額大元至治元年正月十五日建碑在本觀仁宗敕

云朕流觀山圖夷考仙蹟瞻曲林之舊館實宏景之故居原其建立之初以處高第弟子及今千載猶想遺風

朕將益崇神明用著高尚其建康路三茅山崇禧觀可

準元教張嗣師掌教真人吳全節所請賜號曰崇禧萬

壽宮主者施行事在延祐六年三月日此敕元紀不載

第是年兩賜僧鈔猶且特書則此敕之見遺果何故耶



當日朝廷移行下州縣必曰主者施行者本後漢黃瓊傳也

句容縣學鄉賢祠記

祠鄉賢所以善風俗表忠孝所以厚綱常容邑祠非其鬼者甚眾古所謂鄉先生沒而可祭者學未有祠非缺典歟泰定乙丑乃始闢講堂之西按邑志及史書唐有張公諱常洵居喪盡孝廬墓三十六年劉公諱鄴事主盡義當黃巢之亂不臣賊而死此正李泰伯學記所謂爲子死孝爲臣死忠者也祠之于學見鄉先生之所以可祭者如此見士之所以爲學者當本乎此高山景行之思秋菊黃泉之薦使人親親尊尊之天油然不能自己也其或士之躬行於此稍有歉焉不可以升斯堂扣斯門矣然則此舉有關於綱常有補于風化不淺也可不爲之記乎冬

江甯金石記卷六

七

至前十日

碑後刻訓導  
江甯震立石

右碑行書新安胡炳文記門人程益書教諭劉元明篆額定泰三年七月立按炳文字仲虎學者稱雲峯先生

見元史儒學傳

集慶路孔子廟碑

上元年詔以興學作士爲王政先務申飭郡縣甚至二年秋八月建孔子廟成校官文學先生羣諸生相與言曰吾州都會六朝自國淮江之南學遂爲首善之地故宋播遷茲爲陪都其守臣把鑰制閫外以其選必儒碩重望吾昇校規制宏整肩成均殆甲東南學燬一旦迨復已十閱歲其燬其復吾輩所戚所欣吾道所關也不辭請珉以詒來者可乎其燬大德三年八月其復始庚子者見監察御史楊公演記始己酉者臺臣御史大夫



霍瀾漱中丞廉公口屬以董其役路之中治中梁普華右其事  
爲書檄士子掾文學江甯貢師人來宣有請於退口口掣校成  
矣宇士者備矣養士者具矣公有以教之振吾昇校也夫孔子  
之道如日月之照亘古今萬世莫不戴其明以行於世固不以  
棟宇之崇痺加損今眾君肫肫於余者豈不以崇孔祠爲增國  
家右文之光懿臺臣郡守重道之志也遂作詩但昇之士息游  
歌之以金玉弦誦之缺庶幾有所感口報管風尙者樂育之意  
其詩曰

孰昇之穹夫子之宮孰殿於昔而復於今崇臺有基植綱斯邦  
維教斯明維士之口口才爰工于址于棟維宇斯替維構斯隆  
既翼其居迺睟其容曰章曰縫迺粒迺饗迺藝迺槩迺聲笙鏞  
口修斯成始玉金終迺洋聖謨以鋪德音士習維羽而校斯林

江甯金石記卷六

三

或蜚而冥或啄于陽或采其翰而儀其翔之習之叩而賓于王  
士式臺榮而梗而楠于焉度之以柱明堂昇校之光昇士毋忘  
右碑越二十有二年未之刻也訓導戚光傳其文迺承  
憲臺治書純齋于公書之始伐貞石不惟重名筆之當  
傳亦可俾有功之口口乃考其文大雅潔溫尤爲多士  
敦學游歌之道深有助焉是年郡既改名集慶歲在至  
順元年十月戊申朔日教官程熟學正梅錫孫學錄陳

王立

碑末刻直學  
諭珠立石

按孔子廟碑前翰林學士通議大夫知口口同修國史  
盧摯撰嘉議大夫江南諸道行御史臺口口侍御史王  
口書并篆額文作于至大二年剝蝕過半非細視幾不  
能讀碑內所云楊演所撰儒學記目見京學志今已不



可見矣

句容縣儒學田籍記

郡有縣學學有田土國家之令典也尚古民淳而俗化工市農  
畝之夫皆學也中古聖人教養之義備而民知學先王之遺制  
爾句容繇山名邑為集慶屬縣學官弟子典則猶存皆其江東  
父兄子弟也學之田以畝計一口六百一十八畝虧田之二畝  
則加其一口八地一百六口畝則水之塘畝有五畝歲入以斛  
計大小麥物九十六畝粟倍于麥畝又加其三十四菽十六畝  
楮以貫計口百六十八畝延祐經理士緩于防細戶為口為口  
弊而更其舊口口口口府用口者例凡江南學院令有司稽其  
田口之實郡諸侯與邑大夫口提其綱載諸方口且刻石焉去  
年秋良知承乏于學遂合其儒口胥吏俾贊其藉竝加理焉後

江甯金石記卷六

三

之君子庶有徵諸碑末刻陳應鳳典史陳口輔鄭茂芳句容縣  
尉口獻德李口集義副尉集慶路句容縣主  
簿八哈藍沙承直郎句容縣尹兼勸農事殷貞進義副尉集慶  
路句容縣達魯花赤兼勸農事那懷樹立學使江濟監工番易  
朱漢  
刻字

右碑行書在本學教諭許良知撰延陵吳口文書并篆

額至順二年二月十五日立

加封孔子父母及并官氏詔

上天眷命皇帝聖旨闕里有家系出神明之胄尼山請禱天啟  
聖人之生朕聿觀人文敷求往哲惟孔氏之有作集羣聖之大  
成原道統則堯授舜傳之周文王論世家則契至湯下逮正考  
甫其明德也遠矣故生知者出焉有開必先克昌厥後如太極  
之生天地如鉅海之有本源雲祲既襲於上公之封考妣宜际  
夫素王之爵於戲君子之道考而不繆建而不悖予以敦典而



敘倫宗廟之禮愛其所親敬其所尊於以報功而崇德尙篤其  
慶以相斯文齊國公叔梁紇可加封啟聖王魯國太夫人顏氏  
可加封啟聖王夫人主者施行

至元二年寶九月 日

上天眷命皇帝聖旨我國家倬典禮以彌文本闡門而成教乃  
睠素王之廟尙虛元媿之封有其舉之斯爲盛矣大成至聖文  
宣王妻并官氏來嬪聖室垂裕世家籩豆出房因流風于殷禮  
琴瑟在御存燕樂于魯堂功言邈若于遺聞儀範儼乎其合德  
作爾禕衣之像稱其命鼎之銘噫秩秩彝倫吾欲廣關雎鵲巢  
之化皇皇文治天其興河圖鳳鳥之祥可特封大成至聖文宣  
王夫人主者施行

至順二年寶六月 日

江甯金石記卷六

古

右碑正書并加封四配詔俱在江甯縣學元史文宗紀  
及祭祀志祇載加封啟聖王及夫人而不及并官氏之  
封史之闕文也竹汀先生云加封事在至順元年二月  
戊申碑書至順二年六月蓋立石之年也家語孔子年  
十九娶于宋丁官氏之女今攷漢韓勅禮器碑本作并  
官宋祥符追封及此詔亦皆作并官文字明白可證家  
語傳寫之誤廣韻先賢傳孔子妻并官氏今本引亦誤  
爲亓蓋流俗相傳失其本眞惟石刻出于千載以前者  
信有徵也

加封顏子孟子詔

上天眷命皇帝聖旨朕惟得孔氏之門入聖人之域顏子一人  
而已觀其不遷怒不貳過以成復禮之功無伐善無施勞益著



爲仁之效蓋將不日而化矣惜乎天不假之年也朕緬懷哲人  
留心聖學將大新于風教故特侈於褒加於戲用之則行舍之  
則藏雖潛德一時之不顯吾見其進未見其止顧聖言百世而  
彌彰尙復寵光丕隆文治可加封充國復聖公主者施行

至元二年實九月 日

上天眷命皇帝聖旨孟子百世之師也方戰國之從橫異端之  
充塞不有君子孰任斯文觀夫七篇之書倦倦乎致君澤民之  
心凜凜乎拔本塞源之論黜霸功而行王道距詖行而放淫辭  
可謂有功聖門追配神禹者矣朕若稽聖學祇服格言乃著新  
稱以彰渥典於戲誦詩書而尙友緬懷鄒魯之風非仁義則不  
陳期底唐虞之治英風千載蔚有耿光可加封鄒國亞聖公主  
者施行

江甯金石記卷六

五

至順二年實九月 日

加封曾子子思詔

上天眷命皇帝聖旨朕惟孔子之道曾氏獨得其宗蓋本於誠  
身而然也觀其始於三省之功卒聞一貫之妙是以友于顏淵  
而無愧授之思孟而不湮者歟朕仰慕休風景行先哲爰因舊  
爵崇以新稱於戲聖神繼天立極以來道統之傳遠矣國家化  
民成俗之功大學之書具焉其相子之修齊茲式彰于褒顯可  
加封廊國宗聖公主者施行

至順二年實九月 日

上天眷命皇帝聖旨昔曾子得聖人之傳而子思克承厥緒稽  
夫中庸之一書實開聖學於千載朕自臨御以來每以嘉惠斯  
文爲念萬幾之暇覽觀載籍至於致中和而天地位萬物育雅



留意焉夫爵秩之崇旣隆於升配景行之懿可後於褒加於戲  
有仲尼作於前孰儷世家之盛得孟子振其後益昌斯道之傳  
渥命其承茂隆丕緒可加封沂國述聖公主者施行

至順二年實九月 日

加封程明道伊川詔

上天眷命皇帝聖旨朕惟三千之徒莫先顏氏晷言往哲式克  
似之故河南伯程明道體備至和躬承絕學元氣之會鍾于獨  
得聖人之道賴以復明繄百代之真儒豈追崇之可後爰蒐盛  
典爵以上公於戲緬想德容儼揚休而立聿新禮命敷渙號  
以風行服此寵靈益縣道統可追封豫國公主者施行

至順二年實九月 日

上天眷命皇帝聖旨朕惟孟氏以來千有餘歲不有先覺孰任

江甯金石記卷六

六

其承故伊陽伯程伊川本諸躬行動有師法謂初學入德始乎  
致知格物謂隨時從道在乎觀象玩辭遺書雖見于表章異數  
尙稽于封冊作之大國庸示褒崇於戲規矩準繩庶有存於矜  
式火龍黼黻匪徒侈于儀章懋相人文以對休命可追封洛國  
公主者施行

至順二年實九月 日

右碑三通刻制詞六道在句容縣學未署立石人名按

趙承禧大樂禮器碑云至元二年教諭劉德秀命立石

六跌恭刻皇上勉勵徽章先皇帝加封詔書蓋此石德

秀所立而趙承禧撰文時不知其以制詞兩道同立一

碑所以有六跌之說留作留不合六書之正而兩見于

詔書未知何故



捨田記碑下題名

至順辛未九月初二日亨公泰庵和尚捨到田地山塘共計八拾陸畝貳拾玖步在艾塘後村范塘柘泮時塘等埠週迴四散坐落謹記

譽公捨田叁号計五畝壹角坐落侯村後小新塘下承小新塘水利記

右題名正書在祈澤寺紀僧泰亨及譽公施田數目事在至順二年至至元三年始克立碑也

江甯金石記卷六

七



03738



